

四庫全書

史部

欽定四庫全書

資治通鑑卷一百六

宋 司馬光 撰

胡三省 音註

晉紀二十八

起旃蒙作噩盡柔兆閏茂凡二年

烈宗孝武皇帝中之上

太元十年春正月秦王堅朝饗羣臣

朝直達翻

時長安饑人

相食諸將歸吐肉以飼妻子

窮匱如此外無救援烏得不敗乎飼祥吏翻

慕容冲即皇帝位於阿房

是為西燕

改元更始冲有自得之

志賞罰任情慕容盛年十三謂慕容柔曰夫十人之長

長知兩翻

亦須才過九人然後得安今中山王才不逮人功

未有成而驕汰已甚殆難濟乎

冲在前燕時封中山王汰侈也溢也史言慕容

盛幼而有識畧所以能自奮而有國盛柔歸冲見上卷上年

後秦王苻留諸將攻

新平自引兵擊安定擒秦安西將軍勃海公珍嶺北諸

城悉降之

降戶江翻

甲寅秦王堅與西燕主冲戰于仇班

渠大破之

慕容垂復興于山東而冲稱號于關中故書西燕以別之

乙卯戰于雀桑

又破之甲子戰于白渠

白渠即漢時白公所鑿者也

秦兵大敗西燕

兵圍秦王堅殿中將軍鄧邁力戰却之堅乃得免壬申

冲遣尚書令高蓋夜襲長安入其南城左將軍竇衝前

禁將軍李辯等擊破之斬首八百級分其屍而食之乙

亥高蓋引兵攻渭北諸壘太子宏與戰於成貳辟

成貳蓋人

姪名闕中大亂立  
僻自保因為地名

大破之斬首三萬燕帶方王佐與

寧朔將軍平規共攻薊

薊音計

王永兵屢敗二月永使宋

敞燒和龍及薊城宮室帥衆三萬奔壺關

帥讀曰率

佐等入

薊慕容農引兵會慕容麟於中山與共攻翟真麟農先

帥數千騎至承營

帥讀曰率下同

觀察形勢翟真望見陳兵而

出諸將欲退農曰丁零非不勁勇而翟真懦弱今簡精

銳望真所在而衝之真走衆必散矣乃邀門而蹙之可

盡殺也使驍騎將軍慕容國帥百餘騎衝之

驍堅克翻奇寄翻

真走其衆爭門自相蹈藉

藉慈夜翻

死者太半遂拔承營外

郭 癸未秦王堅與西燕主冲戰於城西

長安城西也

大破

之追奔至阿城

阿城即阿房宮城冲之巢穴也

諸將請乘勝入城堅恐

為冲所掩引兵還

萬乘之主固不可乘危徼幸然秦長敗若此乘諸將之勝氣以圖萬一之

功可也引兵而還  
何歟還從宣翻

乙酉秦益州刺史王廣以蜀人江

陽太守李丕為益州刺史守成都

沈約曰江陽郡劉璋分犍為立守式又翻

己丑廣帥所部奔還隴西蜀人隨之者三萬餘人 劉

牢之至枋頭楊膺姜讓謀泄

膺讓謀見上卷上年

長樂公丕收殺

之

枋音方樂音洛

牢之聞之盤桓不進

秦平原悼公暉數為

西燕主冲所敗

數所角翻敗補遇翻

秦王堅讓之曰汝吾之才子

也擁大衆與白虜小兒戰而屢敗何用生為三月暉憤

恚自殺

堅責怒暉欲其死戰耳豈意其自殺哉恚于避翻

前禁將軍李辯都水

使者隴西彭和正恐長安不守召集西州人

晉書職官志都水長

屬大司農沈約志都水使者掌舟航及運部李憺李儼之子亦隴西人也屯於葦園堅召之

不至

為後堅襲葦園張本並舉有翻

西燕主冲攻秦高陽愍公方于

驪山殺之

符方戌驪山見上卷上年七月

執秦尚書韋鍾以其子謙為

馮翊太守使招集三輔之民馮翊壘主邵安民等責謙

曰君雍州望族

七相五公雍州之望族鍾蓋韋賢後也雍于用翻

今乃從賊與

之為不忠不義何面目以行於世乎謙以告鍾鍾自殺

謙來奔秦左將軍苟池右將軍俱石子與西燕主冲戰

於驪山兵敗西燕將軍慕容永斬苟池俱石子奔鄴永

庾弟運之孫石子難之弟也

俱難見一百四卷太元三年庾戶罪翻

秦王

堅遣領軍將軍楊定擊冲大破之虜鮮卑萬餘人而還

悉阮之定佛奴之孫也

北史曰定佛奴之子也

滎陽人

鄭燮以郡來降

降戶江翻

燕王垂攻鄴久不下將北詣冀

州乃命撫軍大將軍麟屯信都樂浪王溫屯中山召驃

騎大將軍農還鄴

樂浪音洛琅驃匹妙翻騎奇寄翻

於是遠近聞之以

燕為不振頗懷去就農至高邑

高邑本鄴縣漢光武即位于此改曰高邑屬常



山晉志屬趙國

遣從事中郎睦邃近出違期不還

師古曰睦息隨翻

長

史張攀言於農曰邃目下參佐

目下參佐言其近在眼前也

敢欺罔

不還請回軍討之農不應敕備假板以邃為高陽太守

參佐家在趙北者悉假署遣歸

趙北趙國以北也假署者權時以假板署置其

官未以白燕王垂也

凡舉補太守三人長史二十餘人退謂攀曰

君所見殊誤當今豈可自相魚肉俟吾北還邃等自當

迎于道左君但觀之

為後邃等迎農張本

樂浪王溫在中山兵力

甚弱丁零四布分據諸城溫謂諸將曰以吾之衆攻則

不足守則有餘驃騎撫軍首尾連兵會須滅賊但應聚

糧厲兵以俟時耳於是撫舊招新勸課農桑民歸附者

相繼郡縣辟壘爭送軍糧倉庫充溢翟真夜襲中山溫

擊破之自是不敢復至

復扶又翻  
下復還同

溫乃遣兵一萬運糧

以餉垂且營中山宮室

欲迎垂都  
中山也

劉牢之攻燕黎陽太

守劉撫于孫就柵

孫就人姓名蓋立柵于  
黎陽界劉撫因屯焉

燕王垂留慕

容農守鄴圍自引兵救之秦長樂公丕聞之出兵乘虛

夜襲燕營農擊敗之

敗補  
邁翻

劉牢之與垂戰不勝退屯黎

陽垂復還鄴

呂光以龜茲饒樂

龜茲音丘  
慈樂音洛

欲留居之

天竺沙門鳩摩羅什謂光曰此凶亡之地不足留也

據載

記鳩摩羅姓  
也什其名

將軍但東歸中道自有福地可居

鳩摩羅  
什知數

知呂光必得涼  
州之地而據之

光乃大饗將士議進止衆皆欲還乃以

駝二萬餘頭載外國珍寶奇玩驅駿馬萬餘匹而還

還音

旋又  
如字

夏四月劉牢之進兵至鄴燕王垂逆戰而敗遂

撤圍退屯新城乙卯自新城北遁牢之不告秦長樂公

丕即引兵追之丕聞之發兵繼進庚申牢之追及垂於

董唐淵垂曰秦晉瓦合相待為彊

瓦合言其勢不膠固觸而動之一瓦墜碎

則衆无俱解矣待當作恃今觀待字義亦自通

一勝則俱豪一失則俱潰非同

心也今兩軍相繼勢既未合宜急擊之牢之軍疾趨二

百里至五橋澤

五橋澤在臨漳縣北兵法百里而趨利者蹶上將况二百里乎

爭燕輜

重

重直用翻

垂邀擊大破之斬首數千級牢之單馬走會秦

救至得免燕冠軍將軍宜都王鳳

冠古玩翻

每戰奮不顧身

前後大小二百五十七戰未嘗無功垂戒之曰今大業

甫濟汝當先自愛使為車騎將軍德之副以抑其銳

以德

持重也

鄴中饑甚長樂公丕帥衆就晉穀於枋頭

帥讀曰率劉

牢之入鄴城收集亡散兵復少振

復扶又翻少詩沼翻

坐軍敗徵

還燕秦相持經年

去年正月垂攻鄴

幽冀大饑人相食邑落蕭

條燕之軍士多餓死燕王垂禁民養蠶以桑椹為軍糧

垂將北趣中山

趣七喻翻

以驃騎大將軍農為前驅前所假

授吏睦邃等皆來迎候上下如初李攀乃服農之智略

前作張攀此作李攀未知孰是

會稽王道子好專權

好呼到翻

復為姦諂

者所構扇

復扶又下同

與太保安有隙安欲避之會秦王堅

來求救安乃請自將救之

將即亮翻

壬戌出鎮廣陵之步丘

築壘曰新城而居之

今揚州邵伯鎮即其地也在揚州城北六十里晉史云安于步丘築

埭後人謂之召伯埭

蜀郡太守任權攻拔成都斬秦益州刺史

李不復取益州

秦取益州見一百三卷寧康元年任音壬

新平糧竭矢盡

後秦自去年攻新平

外救不至後秦王萇使人謂苟輔曰吾方以

義取天下豈讐忠臣邪卿但帥城中之人還長安吾止

欲得此城耳輔以為然帥民五千口出城萇圍而阮之

男女無遺

萇仲良翻帥讀曰率

獨馮傑子終得脫奔長安

馮傑勸輔拒後

秦事見上 秦王堅追贈輔等官爵皆謚曰節愍侯以終

卷上年 為新平太守

翟真自承營徙屯行唐

即漢之南行唐縣也屬常山郡

燕王垂趣中山真為所逼故徙屯

真司馬鮮于乞殺真及諸翟自立為

趙王營人共殺乞立真從弟成為主其衆多降於燕

降戶

江翻

五月西燕主冲攻長安秦王堅身自督戰飛矢滿

體流血淋漓冲縱兵暴掠關中士民流散道路斷絕千

里無煙有堡壁三十餘推平遠將軍趙敖為主

安遠平遠二將

軍號蓋皆當時所置

相與結盟冒難遣兵糧助堅多為西燕所殺

堅謂之曰聞來者率不善達此誠忠臣之義然今寇難

殷繁

難乃旦翻殷衆也盛也繁多也

非一人之力所能濟也徒相隨入

虎口何益汝曹宜為國自愛

偽為于翻

畜糧厲兵以俟天時

庶幾善不終否有時而泰也

幾居希翻否皮鄙翻

三輔之民為冲

所畧者遣人密告堅請遣兵攻冲欲縱火為內應堅曰

甚哀諸卿忠誠然吾猛士如虎豹利兵如霜雪困於烏

合之虜豈非天乎恐徒使諸卿坐致夷滅吾不忍也其

人固請不已乃遣七百騎赴之冲營縱火者反為風火



所燒其得免者什一二堅祭而哭之

史言關中之人乃心為堅而力不能

濟蓋天

秦也衛將軍楊定與冲戰於城西為冲所擒定秦之

驍將也

驍堅堯翻將即亮翻

堅大懼以讖書云帝出五將久長得

據載記此讖書謂之古符傳賈錄秦王堅始也禁人學識及喪敗之極乃欲用讖書奔五將山以求免其顛倒錯繆甚矣蓋死期將至也讖楚諧翻乃留太子宏守長安謂之曰天其或

者欲導予出外汝善守城勿與賊爭利吾當出隴收兵

運糧以給汝遂帥騎數百與張夫人及中山公詵二女

寶錦出奔五將山

新唐書地理志京兆醴泉縣有武將山水經注扶風杜陽縣有五將山又

按唐杜佑鳳翔府岐山縣有五將山

宣告州郡期以孟冬救長安堅過襲

韭園李辯奔燕

燕奔西也

彭和正慙自殺

閏月以廣州刺

史羅友為益州刺史鎮成都

庚戌燕王垂至常山圍

翟成於行唐命帶方王佐鎮龍城六月高句麗寇遼東

句如字又音駒麗力知翻

佐遣司馬郝景將兵救之為高句麗所敗

敗補邁翻

高句麗遂陷遼東玄菟

自此燕不能勝高句麗菟同都翻

秦太

子宏不能守長安將數千騎與母妻宗室西奔下辨

辨皮

覓翻

百官逃散司隸校尉權翼等數百人奔後秦

權翼本姚襄僚

屬得氏既敗  
故奔後秦

西燕主冲入據長安縱兵大掠死者不可

勝計

勝音升

秋七月旱饑井皆竭

後秦王苻自故縣

如新平

漢安定郡有安定縣後漢晉省故曰故縣

秦王堅至五將山後秦

王苻遣驍騎將軍吳忠帥騎圍之秦兵皆散走獨侍御

十數人在側堅神色自若坐而待之召宰人進食俄而

忠至執之送詣新平幽於別室太子宏至下辨南秦州

刺史楊璧拒之

苻堅破仇池置南秦州楊璧氏之種類仕秦尚主任居方面以宏奔敗拒而不

納孟子曰寡助之至璧妻堅之女順陽公主也棄其夫  
親戚叛之信哉斯言

從宏宏奔武都投氏豪強熙

強其兩翻

假道來奔詔處之江

州

為符宏附桓玄而誅張本處昌呂翻

長樂公丕帥衆三萬自枋頭將歸

鄴城龍驤將軍檀玄擊之戰於谷口

檀玄晉將也谷口在枋頭西

玄

兵敗丕復入鄴城

復扶又翻

燕建節將軍餘巖叛自武邑

北趣幽州

趣七喻翻

燕王垂馳使敕幽州將平規曰

使疏吏翻

固

守勿戰俟吾破丁零自討之規出戰為巖所敗

敗補邁翻

巖

入薊掠千餘戶而去遂據令支

令音鈴又郎定翻支音祁

癸酉翟成

長史鮮于得斬成出降垂屠行唐盡阮成衆

去年丁零叛燕至是

而滅降  
戶江翻

太保安有疾求還

安屯廣陵步丘

詔許之八月安至

建康

甲午大赦

丁酉建昌文靖公謝安薨

謚法柔德安衆

曰靖寬樂令終曰靖

詔加殊禮如大司馬溫故事

晉以此崇寵謝安安之雅志豈

願與桓溫同哉

庾子以司徒琅邪王道子領揚州刺史錄尚書

都督中外諸軍事

道子得權晉自此亂

以尚書令謝石為衛將軍

後秦王苻使求傳國璽於秦王堅

璽斯氏翻

曰苻次應歷

數可以為惠堅瞋目叱之曰小羌敢逼天子五胡次序

無汝羌名

胡羯鮮卑氏羌五胡之次序也無汝羌名謂識文耳姚苻自謂次應歷數堅故亦以識文

為言瞋  
七人翻

璽已送晉不可得也萇復遣右司馬尹緯說堅

求為禪代

復扶又翻  
說輸尚翻

堅曰禪代聖賢之事姚萇叛賊何

得為之堅與緯語問緯在朕朝何官

朝直  
逢翻

緯曰尚書令

史

後漢以來尚書有令  
史十八人秩二百石

堅歎曰卿王景略之儔宰相才

也而朕不知卿宜其亡也堅自以平生遇萇有恩尤忿

之數罵萇求死

數所  
角翻

謂張夫人曰豈可令羌奴辱吾兒

乃先殺寶錦

堅自知身死之後  
女必當歸姚萇也

辛丑萇遣人縊堅於新

平佛寺

年四  
十八

張夫人中山公詵皆自殺後秦將士皆為

之哀慟

為于偽翻

萇欲隱其名謚堅曰壯烈天王

臣光曰論者皆以為秦王堅之亡由不殺慕容垂姚

萇故也臣獨以為不然許劭謂魏武帝治世之能臣

亂世之姦雄

事見五十八卷漢靈帝中平元年治直吏翻

使堅治國無失

其道

治直之翻

則垂萇皆秦之能臣也烏能為亂哉堅之

所以亡由驟勝而驕故也魏文侯問李克吳之所以

亡對曰數戰數勝文侯曰數戰數勝國之福也何故

亡對曰數戰則民疲數勝則主驕

數所角翻

以驕主御疲

民未有不亡者也秦王堅似之矣

長樂公丕在鄴將西赴長安

樂音洛

幽州刺史王永在壺

關

是年春王永自幽州奔壺關

遣使招丕丕乃帥鄴中男女六萬餘

口西如潞川

使疏吏翻帥讀曰率

驃騎將軍張蚝并州刺史王騰

迎之入晉陽

驃匹妙翻騎奇寄翻蚝七吏翻

丕始知長安不守堅已死

乃發喪即皇帝位

丕字永叙堅之庶長子也

追謚堅曰宣昭皇帝廟

號世祖大赦改元大安

燕王垂以魯王和為南中郎

將鎮鄴遣慕容農出蠓螭塞

蠓于結翻螭于公翻

歷凡城趣龍城



趣七  
喻翻

會兵討餘巖慕容麟慕容隆自信都徇勃海清河

麟擊勃海太守封懿執之因屯厯口

水經注清河自廣川東北流逕厯縣

故城南前漢信都國之屬縣也應劭曰廣川縣西北三十里有厯城亭故縣也今亭在縣東津濟之所謂之厯

口懿放之子也

封放見九十九卷穆帝永和七年

鮮卑劉頭眷擊破

賀蘭部於善無

善無縣前漢屬雁門郡後漢屬定襄郡漢末日棄之荒外

又破柔然

于意親山

意親山蓋即意辛山親辛語相近按魏書帝紀道武登國五年四月幸意辛山與質麟討

賀蘭紇突鄰紇奚諸部大破之六月還幸牛川則意辛山在牛川之北

頭眷子羅辰言於

頭眷曰比來行兵所向無敵

比毗至翻

然心腹之疾願早圖

之頭眷曰誰也羅辰曰從兄顯忍人也

從才用翻

必將為亂

頭眷不聽顯庫仁之子也頃之顯果殺頭眷自立又將

殺拓跋珪

珪依劉庫仁見一百四卷太元元年

顯弟亢塗妻珪之姑也

塗與

泥同以告珪母賀氏顯謀主梁六眷代王什翼犍之甥也

犍居言翻下同

亦使其部人穆崇奚牧密告珪

魏書官氏志拓跋氏之先兼并

它國各有本部部中別族為內姓丘穆陵氏後改為穆氏又拓拔鄰以弟為達奚氏後改為奚氏

且以

其愛妻駿馬付崇曰事泄當以此自明賀氏夜飲顯酒

令醉

飲于鵠翻

使珪陰與舊臣長孫犍元他羅結輕騎亡去

元他羅結二人也他唐何翻

向晨賀氏故驚廐中羣馬使顯起視之

賀氏哭曰吾子適在此今皆不見汝等誰殺之邪顯以

故不急追珪遂奔賀蘭部依其舅賀訥

賀訥本賀蘭訥後魏孝文帝改

北方舊姓以賀蘭氏為賀氏史因簡便而書之如上文穆崇奚牧之類皆是也

訥驚喜曰復國

之後當念老臣珪笑曰誠如舅言不敢忘也顯疑梁六

眷泄其謀將囚之穆崇宣言曰六眷不顧恩義助顯為

逆我掠得其妻馬足以解忿顯乃捨之賀氏從弟外朝

大人賀悅舉所部以奉珪

賀悅蓋什翼捷時為外朝大人魏書官氏志曰登國二年

因舊制置南北大人對治二部又置外朝大人無常員  
主受詔命外使出禁中國有大喪大禮皆與參知隨所  
典馬從顯怒將殺賀氏賀氏奔亢湫家匿神車中三日  
才用翻

北人無室屋逐水草置神于車中而嚴事之因謂之神車亢湫舉家為之請乃得免

為于偽翻故南部大人長孫嵩帥所部七百餘家叛顯奔五

原嵩依劉氏亦見一百四卷太元元年時拓跋寔君之

子渥亦聚眾自立嵩欲從之烏渥謂嵩曰逆父之子不

足從也寔君弒什翼犍見太元元年不如歸珪嵩從之史言長孫嵩由此遂為拓

跋珪佐命功久之劉顯所部有亂故中部大人庾和辰  
臣福流子孫

奉賀氏奔珪

凡言故者皆什翼犍舊所署置也魏書官氏志拓拔詰汾時餘部諸姓內入者自有

庚氏非中國之庚氏也

賀訥弟染干以珪得衆心忌之使其黨侯

引七突殺珪代人尉古真知之以告珪侯引七突不敢

發

侯引七突官氏志無此氏志云諸姓年世稍久互以改易興衰存滅間有之今舉其可知者則其不可知

而不舉者亦有之矣西方尉遲氏後改爲尉氏尉讀如鬱染干疑古真泄其謀執而

訊之

訊鞠問也

以兩車輪夾其頭傷一目不伏乃免之染干

遂舉兵圍珪賀氏出謂染干曰汝等欲於何置我而殺

吾子乎染干慙而去

史言賀訥兄弟不能舉部以奉拓跋珪爲珪攻賀蘭部張本夫以珪

備嘗險阻艱難以成大業而卒斃于賀蘭氏豈天道邪

九月秦主丕以張蚝為

侍中司空

蚝七吏翻

王永為侍中都督中外諸軍事車騎大

將軍尚書令王騰為中軍大將軍司隸校尉苻冲為尚

書左僕射封西平王又以左長史楊輔為右僕射右長

史王亮為護軍將軍立妃楊氏為皇后子寧為皇太子

壽為長樂王

樂音洛

鏘為平原王懿為勃海王昶為濟北

王 呂光自龜茲還至宜禾

班志敦煌郡廣至縣昆侖障宜禾都尉治晉分為宜

禾縣屬晉昌郡劉昉曰瓜州常樂縣漢廣至縣魏分廣至置宜禾縣李嵩於此置涼興郡隨廢置常樂鎮武德

五年改鎮為縣  
龜茲音丘慈

秦涼州刺史梁熙謀閉境拒之高昌太

守楊翰言於熙曰

李延壽曰高昌者車師前王之故地昔漢武帝遣兵西討師旅頓弊其中

尤困者住馬地勢高敞人庶昌盛因名高昌其地有漢時高昌壘晉為高昌郡後因為國名

呂光新

破西域兵疆氣銳聞中原喪亂

喪息浪翻

必有異圖河西地

方萬里帶甲十萬足以自保若光出流沙其勢難敵高

梧谷口險阻之要宜先守之而奪其水

高梧谷口當在高昌西界

彼

既窮渴可以坐制如以為遠伊吾關亦可拒也

伊吾縣晉置屬

晉昌郡有伊吾關

度此二阨雖有子房之策無所施矣

言地險既失雖

有張良之計  
無所用也

熙弗聽美水令犍為張統謂熙曰今關中

大亂京師存亡不可知

長安已陷而涼州不知  
道梗故也犍居言翻

呂光之

來其志難測將軍何以抗之熙曰憂之未知所出統曰

光智畧過人今擁思歸之士乘戰勝之氣其鋒未易當

也

易以  
豉翻

將軍世受大恩忠誠夙著立勲王室宜在今日

行唐公洛上之從弟勇冠一時

從才用翻  
冠古玩翻

為將軍計莫

若奉為盟主以收衆望推忠義以帥羣豪

帥讀曰  
率下同則光

雖至不敢有異心也資其精銳東兼毛興

毛興時  
刺河州

連王



統楊壁

王統時刺秦州楊壁時刺南秦州

合四州之衆掃兇逆寧帝室

此桓文之舉也熙又弗聽殺洛於西海

洛徙西海見一百四卷太元五

年梁熙既欲拒呂光又殺苻洛不過欲保據涼州非有扶顛持危之志也

光聞楊翰之謀懼

不敢進杜進曰梁熙文雅有餘機鑒不足終不能用翰

之謀不足憂也宜及其上下離心速進以取之光從之

進至高昌楊翰以郡迎降

熙不能用楊翰之謀翰遂降於光降戶江翻下同

至

玉門熙移檄責光擅命還師以子肩為鷹揚將軍與振

威將軍南安姚皓別駕衛翰帥衆五萬拒光於酒泉

師讀

率曰燉煌太守姚靜晉昌太守李純以郡降光敦徒光報

檄凉州責熙無赴難之志

雖乃旦翻

而遏歸國之衆遣彭晃

杜進姜飛為前鋒與肩戰于安彌

安彌縣自漢以來屬酒泉郡

大破

擒之於是四山胡夷皆附於光武威太守彭濟執熙以

降光殺之光入姑臧自領凉州刺史表杜進為武威太

守自餘將佐各受職位凉州郡縣皆降於光獨酒泉太

守宋皓西郡太守宋泮

晉志曰漢分張掖之日勒州丹等縣置西郡其地當嶺要

城

守不下光攻而執之讓泮曰吾受詔平西域而梁熙絕

我歸路此朝廷之罪人卿何為附之泮曰將軍受詔平  
西域不受詔亂涼州梁公何罪而將軍殺之泮但苦力  
不足不能報君父之讐耳豈肯如逆氏彭濟之所為乎  
主滅臣死固其常也光殺泮及皓主簿尉祐姦佞傾險  
尉姓也與彭濟俱執梁熙光寵信之祐譖殺名士姚皓  
讀如字

等十餘人涼州人由是不悅

昔齊人伐燕勝之孟子曰取之而燕民悅則取之取

之而燕民不悅則勿取其後燕卒報齊呂光始

得涼士而無以收涼人之心宜其有國不永也光以祐

為金城太守祐至允吾

允吾漢縣屬金城郡晉省據水經注允吾在廣武西北其地在

當時蓋屬廣武郡界劉昫曰唐鄆州龍支縣本漢允吾縣後漢改曰龍耆後魏改曰金城又改曰龍支積石山

在今縣南允音鉛吾音牙襲據其城以叛姜飛擊破之祐奔據興城

以載記參考水經興城當在允吾之西白土之東

乞伏國仁自稱大都督大

將軍單于領秦河二州牧

單音蟬

改元建義以乙旃童塗

為左相屋引出支為右相獨孤匹蹄為左輔武羣勇士

為右輔

乙旃屋引獨孤武羣皆夷人復姓乞伏與拓拔同出於鮮卑故其部人亦有乙旃獨孤二姓塗

與泥

弟乾歸為上將軍分其地置武城等十二郡

載記曰置

武城武陽安固武始漢陽天水畧陽  
涇川甘松匡朋白馬苑川十二郡

築勇士城而都之

水經注苑川水出勇士縣之子城南山北逕牧師苑故  
漢牧苑之地也有東西二苑城其城相去七里西城即  
所乞伏都

秦尚書令魏昌公纂自關中奔晉陽秦主丕拜

纂太尉封東海王冬十月西燕主冲遣尚書令高蓋

帥衆五萬伐後秦戰于新平南蓋大敗降於後秦

帥讀曰率

降戶翻初蓋以楊定為子及蓋敗定亡奔隴右復收集其

舊衆

定為西燕禽財六月耳復扶又翻

符定符紹符謨符亮聞秦主

丕即位皆自河北遣使謝罪

定紹謨亮降燕見上卷上年

中山太守

王充本新平氏也固守博陵為秦拒燕

為于偽翻

十一月丕

以充為平州刺史定為冀州牧紹為冀州都督謨為幽州牧亮為幽平二州都督並進爵郡公左將軍竇衝據

茲川

茲川即霸川也霸水古曰滋水秦穆公之霸也  
更滋水曰霸水以顯霸功今曰茲川因古名也

有

衆數萬與秦州刺史王統河州刺史毛興益州刺史王

廣南秦州刺史楊璧衛將軍楊定皆自隴右遣使邀不

共擊後秦丕以定為雍州牧

雍于用翻

衝為梁州牧加統鎮

西大將軍興車騎大將軍璧征南大將軍並開府儀同

三司加廣安西將軍皆進位州牧楊定尋徙治厯城置

儲蓄於百頃

百頃自楊茂搜以來保為巢穴

自稱龍驤將軍仇池公遣

使來稱藩

驪思將翻使疏吏翻

詔因其所號假之其後又取天水

略陽之地自稱秦州刺史隴西王

繹幕人蔡匡據城

以叛燕

繹幕縣自漢以來屬清河郡至隋廢入德州安樂縣

燕慕容麟慕容隆共

攻之泰山太守任泰潛師救匡

任音士

至匡壘南八里燕

人乃覺之諸將以匡未下而外敵奄至甚患之隆曰匡

恃外救故不時下今計泰之兵不過數千人及其未合

擊之泰敗匡自降矣乃釋匡擊泰大敗之斬首千餘級

匡遂降

降戶江翻下同

燕王垂殺之且屠其壘慕容農至龍

城

自蠟蠟塞歷凡城至龍城

休士馬十餘日諸將皆曰殿下之來取

道甚速今至此久留不進何也農曰吾來速者恐餘巖

過山鈔盜侵擾良民耳

此山謂白狼山鈔楚交翻

巖才不踰人誑誘

饑兒

誑居况翻誘音酉

烏集為羣非有綱紀吾已扼其喉久將

離散無能為也今此田善熟未收而行徒自耗損當俟

收畢往則梟之

梟堅亮翻

亦不出旬日耳頃之農將步騎三

萬至今支巖衆震駭稍稍踰城歸農巖計窮出降農斬



之進擊高句麗復遼東玄菟二郡

郝景之敗高句麗陷遼東玄菟同都翻

還至龍城上疏請繕修陵廟

燕自慕容皝以前皆葬遼西故陵廟在焉燕王

垂以農為使持節都督幽平二州北狄諸軍事幽州牧

鎮龍城

使疏吏翻

徙平州刺史帶方王佐鎮平郭農於是創

立法制事從寬簡清刑獄省賦役勸課農桑居民富贍

四方流民前後至者數萬口先是幽冀流民多入高句

麗

先悉薦翻

農以驃騎司馬范陽龐淵為遼東太守招撫之

慕容麟攻王兗于博陵城中糧竭矢盡功曹張猗踰

城出聚衆以應麟充臨城數之曰

敕所角翻

卿是秦民吾是

卿君卿起兵應賊自號義兵何名實之相違也古人求

忠臣必於孝子之門

後漢韋彪之言

卿母在城棄而不顧吾何

有焉今人取卿一切之功則可矣寧能忘卿不忠不孝

之事乎不意中州禮義之邦乃有如卿者也十二月麟

拔博陵執充及苻鑑殺之昌黎太守宋敞帥烏桓索頭

之衆救充不及而還

帥讀曰率索昔各翻還從宜翻又如字

秦主丕以敞

為平州刺史

敞時從王永在壺關

燕王垂北如中山謂諸將曰

樂浪王招流離實倉廩外給軍糧內營宮室雖蕭何之

功何以加之

樂浪王溫之功詳見上漢高祖與項羽相拒蕭何鎮撫關中為之根本

丙申

垂始定都中山

杜佑曰後燕都中山今博陵郡唐昌縣

秦苻定據信都

以拒燕燕王垂以從弟北地王精為冀州刺史將兵攻

之

從才用翻將即亮翻

拓跋珪從曾祖紇羅與其弟建及諸部

大人共請賀訥推珪為主

從才用翻

十一年春正月戊申拓跋珪大會于牛川

自武周塞西行至牛川牛

川以北皆大漠也據魏紀窟咄之來寇也珪乞師于燕自努山至牛川屯於延水南出代谷以會燕師又據水

經注于延水出長川城南則長川即牛川也班志于延水出代郡且如塞外則牛川亦當在且如塞外也又明

元帝大獮于牛川登釜山括地志釜山在媯州懷戎縣北三里且如之音子如翻即代王位什

翼健之嫡孫世子寔之改元登國以長孫嵩為南部大子拓跋氏自此興矣

人叔孫普洛為北部大人分治其衆魏書曰魏初自北荒南遷置四部大

人坐王庭決辭訟以言語約束刻契記事無固圉考訊之法諸犯罪者皆臨時決遣治直之翻下同以上

谷張袞為左長史許謙為右司馬廣寧王建代人和跋

叔孫建庾岳為外朝大人魏書官氏志拓拔鄰命叔父之肩曰乙梅氏後改叔孫氏

朝直奚牧為治民長長知皆掌宿衛及參軍國謀議長

孫道生賀毗等侍從左右

從才用翻

出納教命王建娶代王

什翼犍之女岳和辰之弟道生嵩之從子也

庾和辰奉珪母賀氏

珪以奔珪長孫嵩帥部衆歸珪事並見上從才用翻

燕王垂即皇帝位

垂字道明燕主

五子

後秦王苻如安定

南安祕宜

祕姓也前漢書功臣表有

戴侯祕彭時祕氏為南安豪族

帥羌胡五萬餘人攻乞伏國仁國仁將

兵五千逆擊大破之

帥讀曰率將即亮翻

宜奔還南安鮮于乞

之殺翟真也

翟真見殺見上年四月

翟遼奔黎陽黎陽太守滕恬

之甚愛信之恬之喜畋獵

喜許記翻

不愛士卒遼潛施姦惠

以收衆心恬之南攻鹿鳴城

黎陽在河北鹿鳴城在河南鄆道元曰案竹書紀年

梁惠成王十三年取鄭鹿即是城也今城內有臺尚謂之鹿鳴臺又謂之鹿鳴城

遼于後閉門

拒之恬之東奔鄆城

鄆吉掾翻

遼追執之遂據黎陽豫州刺

史朱序遣將軍秦膺童斌與淮泗諸郡共討之

斌音彬

秦益州牧王廣自隴右引兵攻河州牧毛興於枹罕興

遣建節將軍衛平帥其宗人一千七百夜襲廣大破之

帥讀曰率

二月秦州牧王統遣兵助廣攻興嬰城自守

去

王廣自成都依統

燕大赦改元建興置公卿尚書百官繕宗

廟社稷

西燕主冲樂在長安

樂音洛

且畏燕主垂之彊

不敢東歸課農築室為久安之計鮮卑咸怨之

鮮卑思東歸而

冲安于長安故怨傳曰以欲從人則可以人從欲鮮濟其是之謂歟

左將軍韓延因衆心

不悅攻冲殺之立冲將段隨為燕王改元昌平初張

天錫之南奔也

見上卷太元八年

秦長水校尉王穆匿其世子

大豫與俱奔河西依禿髮思復鞬

思復鞬烏孤之父也鞬居言翻

思復

鞬送魏安

五代志武威郡昌松縣後魏置昌松郡後周廢郡以揖次縣入焉又有後魏魏安郡後亦

廢載記言焦松等迎大豫于揖次則魏安蓋後魏所置郡晉書成於唐唐史臣以後魏郡名書之耳孟康曰揖

音子如翻  
次音恣

魏安人焦松齊肅張濟等聚兵數千人迎大

豫為主攻呂光昌松郡拔之

昌松即漢倉松縣地本屬  
武威郡蓋河西張氏分置

郡也呂光後以郭騰言  
改昌松為東張掖郡

執太守王世強光使輔國將軍

杜進擊之進兵敗大豫進逼姑臧王穆諫曰光糧豐城

固甲兵精銳逼之非利不如席卷嶺西

卷讀  
曰捲

礪兵積粟

然後東向與之爭不及暮年光可取也大豫不從自號

撫軍將軍涼州牧改元鳳凰以王穆為長史傳檄郡縣

使穆說諭嶺西諸郡

自西郡至張掖酒泉建康  
昌其地皆嶺西也說諭為翻

建康



太守李隰祁連都尉嚴純皆起兵應之

建康郡張駿置屬涼州新唐書

地理志甘州張掖縣西北百九十里有祁連山北有建康軍蓋張氏置郡地也晉書地理志永興中張祚置漢

陽縣以守牧地張玄靚改為祁連郡有衆三萬保據楊塢  
楊塢在姑臧城西

代

王珪徙居定襄之盛樂

按盛樂前漢書作盛樂屬雲中疑定襄後漢書作盛樂屬雲中疑定襄

之盛樂即雲中之盛樂也然魏書帝紀什翼犍立三年移都于雲中之盛樂明年築盛樂城於故城南八里則已非後漢之盛樂城疑定襄之盛樂乃前漢之盛樂城也蓋建武之初匈奴侵寇塞下之民悉內徙其後南單于內附北單于勢屈復歸內徙之民於塞下郡縣城郭掃地更為必有非其故處者攷宋白續通典唐振武軍漢定襄郡之盛樂也在陰山之陽黃河之北後魏所都盛樂是也在唐朔州北三百餘里後魏孝文遷洛之後

于定襄故城置朔州領盛樂廣牧二郡唐初平突厥置雲中都督府於盛樂貞觀八年移雲州雲中郡及定襄縣于今雲州而雲中都督府後又改單于都護府又改安北都護府由是雲中定襄地名混亂不可考而盛樂則一務農息民國人悅之

史言拓跋珪所以興

三月大赦泰

山太守張願以郡叛降翟遼

降戶江翻

初謝玄欲使朱序屯

梁國玄自屯彭城以北固河上西援洛陽朝議以征役

既久欲令玄置戍而還會翟遼張願繼叛北方騷動玄

謝罪乞解職詔慰諭令還淮陰燕主垂追尊母蘭氏

為文昭皇后欲遷文明段后以蘭氏配享太祖

段氏燕王皝之

元妃蘭氏號之側室也號廟號太祖謚文明皇帝

詔百官議之皆以為當然

順垂

也指博士劉詳董謚以為堯母為帝譽妃位第三不以貴

陵姜嫄

帝王紀曰帝譽有四妃元妃有邠氏女曰姜嫄生后稷次妃有娥氏女曰簡狄生高次妃陳豐

氏女曰慶都生放勳次妃姬訾氏女曰常義生摯嚳苦沃翻

明聖之道以至公為先

文昭后宜立別廟垂怒逼之詳謚曰上所欲為無問於

臣臣案經奉禮不敢有貳垂乃不復問諸儒卒遷段后

以蘭后代之

復扶又翻卒子戊翻

又以景昭可足渾后傾覆社稷

追廢之尊烈祖昭儀段氏為景德皇后配享烈祖

可足渾氏

燕主雋之元妃也傾覆事見一百二卷海西公太和四年段氏雋之側室也雋廟號烈祖謚景昭皇帝

崔鴻曰齊桓公命諸侯無以妾為妻

孟子曰齊桓公葵丘之會初命

曰誅不孝無易樹子無以妾為妻

夫之於妻猶不可以妾代之況子

而易其母乎春秋所稱母以子貴者君母既沒得以

妾母為小君也

春秋公羊傳曰桓幼而貴隱長而卑隱長又賢諸大夫拔隱而立之隱之

立為桓立也隱長又賢何以不宜立立適以長不以賢立子以貴不以長桓何以貴母貴也母貴則子何

以貴子以母貴母以子貴左氏傳曰惠公元妃孟子卒繼室以聲子生隱公宋武公生仲子為魯夫

人生桓公而惠公薨是以隱公立而奉之至於享祀宗廟則成風終不得

配莊公也

魯莊公夫人姜氏成風者莊公之妾僖公之母也姜氏通于共仲弑閔公而欲立共

仲不克遂孫于邾齊桓公殺之僖公既立請其喪以夫人之禮葬之君父之所為臣子

必習而效之猶形聲之于影響也竇之逼殺其母

事見

後一百八卷太元二十一年

由垂為之漸也堯舜之讓猶為之噲

之禍

事見二卷周慎靚王五年

况違禮而縱私者乎昔文姜得罪

於桓公春秋不之廢

魯桓公之夫人曰文姜通于齊襄公桓公謫之夫人以告襄公

遂殺桓公至莊公二十一年春秋書夫人姜氏薨二十二年書葬我小君文姜是不之廢也

可足

渾氏雖有罪於前朝

朝直遙翻

然小君之禮成矣垂以私

憾廢之

私憾謂譖殺垂妃段氏又譖垂而逐之奔秦也

又立兄妾之無子者

皆非禮也

劉顯自善無南走馬邑

畏代之偏且懼其修怨也

其族人奴真帥所

部請降於代

帥讀曰率降戶江翻

奴真有兄鞬先居賀蘭部

鞬居言翻

奴真言於代王珪請召鞬而以所部讓之珪許之鞬既

領部遣弟去斤遺賀訥金馬

遺于季翻

賀染干謂去斤曰我

待汝兄弟厚汝今領部宜來從我去斤許之奴真怒曰

我祖父以來世為代忠臣故我以部讓汝等欲為義也

今汝等無狀乃謀叛國義於何在遂殺鞬及去斤染干

聞之引兵攻奴真奴真奔代珪遣使責染干染干乃止

珪與賀蘭從此隙矣使疏吏翻

西燕僕射慕容容恒尚書慕容永襲段

隨殺之立宜都王子顥為燕王

顥蓋燕宜都王栢之子顥魚豈翻

改元

建明帥鮮卑男女四十餘萬口去長安而東

海西公太和五年秦

遷鮮卑于長安至是財十七年耳而種類蕃育乃如此唐太宗阿史那結社率之變亦幸其早發耳帥讀曰率

恒弟護軍將軍韜誘顥殺之於臨晉

誘音酉

恒怒捨韜去

永與武衛將軍刁雲帥衆攻韜韜敗奔恒營恒立西燕

主冲之子瑶為帝改元建平謚冲曰威皇帝眾皆去瑶奔永永執瑶殺之立慕容泓子忠為帝改元建武忠以永為太尉守尚書令封河東公永持瀟寬平鮮卑安之至聞喜聞燕主垂已稱尊號不敢進築燕熙城而居之

為燕主垂滅  
西燕張本

鮮卑既東長安空虛前滎陽高陵趙穀

等招杏城盧水胡郝奴帥戶四千入於長安渭北皆應

之

帥讀曰  
率下同

以穀為丞相扶風王麟有眾數千保據馬嵬

馬嵬山在咸陽縣西去長安城百餘里杜佑曰京兆金城縣有馬嵬故城孫景安征塗記云馬嵬所築不知何



代人金城周曰夫丘秦曰廢丘奴遣弟多攻之夏四月  
漢曰槐里驎離珍翻菟吾回翻

後秦王萇自安定伐之驎奔漢中萇執多而進奴懼請

降

降戶江翻

拜鎮北將軍六谷大都督

長安南山有六谷

癸巳以

尚書僕射陸納為左僕射譙王恬為右僕射

晉志曰左右僕射或

不兩置但曰尚書僕射

納玩之子也

陸玩見九十四卷咸帝咸和四年

毛興襲

擊王廣敗之

敗補遺翻

廣奔秦州隴西鮮卑匹蘭執廣送于

後秦興復欲攻王統于上邽枹罕諸氏皆厭苦兵事

諸氏

蓋秦王堅使毛興領之以鎮枹罕者也復扶入翻枹音膚乃共殺興推衛平為河州

刺史

以衛平宗  
強故推之

遣使請命於秦

使疏吏  
翻下同

燕主垂封其

子農為遼西王麟為趙王隆為高陽王代王珪初改

稱魏王

拓跋氏自  
此國號魏

張大豫自楊塢進屯姑臧城西王

穆及禿髮思復鞬子奚于帥眾三萬屯於城南

鞬居  
言翻

呂

光出擊大破之斬奚于等二萬餘級秦大赦以衛平

為撫軍將軍河州刺史呂光為車騎大將軍涼州牧

騎奇

寄使者皆没于後秦不能達

時秦主丕在晉陽後秦  
隔其道故不能達二鎮

燕主垂以范陽王德為尚書令太原王楷為左僕射樂

浪王溫為司隸校尉

溫守中山有營宮室建都邑之功因用為司隸樂浪音洛琅

後秦王萇即皇帝位于長安

萇字景茂姚弋仲之第二十四子也

大赦改

元建初國號大秦追尊其父弋仲為景元皇帝立妻虵

氏為皇后

類篇虵以者翻虵姓也姓譜姚萇后虵氏南安人也虵食遮翻又音它

子興為

皇太子置百官萇與羣臣宴酒酣言曰諸卿皆與朕北

面秦朝

朝直遙翻

今忽為君臣得無耻乎趙遷曰天不耻以

陛下為子臣等何恥為臣萇大笑魏王珪東如陵石

陵石地名在盛樂東

護佛侯部帥侯辰乙佛部帥代題皆叛走

所帥

類翻

諸將請追之珪曰侯辰等累世服役有罪且當忍之

方今國家草創人情未壹愚者固宜前却

一前一却言叛服不常也

不足追也

史言珪能識時知變以安反側

六月庚寅以前輔國將軍

楊亮為雍州刺史鎮衛山陵

帝置雍州于襄陽今遺亮帶雍州鎮洛雍于用翻

荊州刺史桓石民遣將軍晏謙擊弘農下之

姓譜曰左傳齊有晏

氏代為大夫

初置湖陝二戍

湖陝二縣皆屬弘農陝式冉翻

西燕刁雲等

殺西燕主忠推慕容永為使持節大都督中外諸軍事

大將軍大單于雍秦梁涼四州牧錄尚書事河東王稱

藩於燕

稱藩于燕主垂也使疏吏翻雍于用翻

燕主垂遣太原王楷趙

王麟陳留王紹章武王宙攻秦苻定苻紹苻謨苻亮等

去年苻定等背燕為秦

楷先以書與之為陳禍福定等皆降

降戶江翻

垂封定等為侯曰以酬秦主之德秦主丕以都督中

外諸軍事司徒錄尚書事王永為左丞相太尉東海王

纂為大司馬司空張蚝為太尉

蚝七吏翻

尚書令咸陽徐義

為司空司隸校尉王騰為驃騎大將軍儀同三司

驃匹妙翻

寄騎翻永傳檄四方公侯牧守壘主民豪共討姚萇慕容

垂令各帥所統以孟冬上旬會大駕於臨晉

帥讀曰率

於是

天水姜延馮翊寇明河東王昭新平張晏京兆杜敏扶

風馬朗建忠將軍高平牧官都尉扶風王敏等

建忠將軍蓋亦

符氏創置高平縣漢屬安定郡晉省前趙劉曜以為朔州治所秦置牧官都尉於其地

咸承檄起

兵各有衆數萬遣使詣秦

使疏吏翻

丕皆就拜將軍郡守封

列侯冠軍將軍鄧景擁衆五千據彭池與竇衝為首尾

以擊後秦

彭池恐當作彪池彪池在長安西詩所謂灕池北流者也竇衝據茲川在長安東南可以

相為首尾又據新唐書地理志寧州有彭池但去茲川遠耳

丕以景為京兆尹景羌

之子也

鄧羌秦之名將

後秦王萇徙安定五千餘戶于長安

秋七月秦平涼太守金熙安定都尉沒奕干與後秦

左將軍姚方成戰于孫丘谷

孫丘谷當在安定

方成兵敗後秦

主萇以其弟征虜將軍緒為司隸校尉鎮長安自將至

安定

將即亮翻

擊熙等大破之金熙本東胡之種

秦謂鮮卑之種居遼

碣者為東胡種章勇翻

沒奕干鮮卑多蘭部帥也

帥所類翻

枹罕諸氏

枹音膚

以衛平衰老難與成功議廢之而憚其宗彊累日

不決氏啖青謂諸將曰

啖徒覽翻姓也

大事宜時定不然變生

諸君但請衛公為會觀我所為會七夕大宴青抽劍而

前曰今天下大亂吾曹休戚同之非賢主不可以濟大

事衛公老宜返初服以避賢路

衛平本毛  
興部將

狄道長苻登

長知  
兩翻

雖王室疎屬志略雄明請共立之以赴大駕

欲承  
王永

檄赴秦  
主丕也

諸君有不同者即下異議乃奮劍攘袂將斬異

已者衆皆從之莫敢仰視於是推登為使持節都督隴

右諸軍事撫軍大將軍雍河二州牧略陽公帥衆五萬

東下隴攻南安拔之馳使請命於秦登秦主丕之族子



也

符登事始此使疏吏翻雍于用翻帥讀曰率下同

祕宜與莫戾悌眷帥其

衆三萬餘戶降于乞伏國仁國仁拜宜東秦州刺史悌

眷梁州刺史

莫戾夷人複姓降戶江翻下同

己酉魏王珪還盛樂

自陵

石還也

代題復以部落來降

復扶又翻

十餘日又奔劉顯珪使

其孫倍斤代領其衆劉顯弟肺泥帥衆降魏 八月燕

主垂留太子寶守中山以趙王麟為尚書右僕射錄留

臺庚午自帥范陽王德等南略地使高陽王隆東徇平

原丁零鮮于乞保曲陽西山

曲陽縣屬常山郡

聞垂南伐出營

望都

望都縣屬中山郡水經注堯封于唐堯山在東北堯母慶都山在南登堯山見都山故望都縣以為

名也剽掠居民

剽匹妙翻

趙王麟自出討之諸將皆曰殿下虛

鎮遠征萬一無功而返虧損威重不如遣諸將討之麟

曰乞聞大駕在外無所畏忌必不設備一舉可取不足

憂也乃聲言至魯口夜回趣乞

趣七喻翻

比明至其營掩擊

擒之

比必寐翻及也

翟遼寇譙朱序擊走之

秦主丕以苻

登為征西大將軍開府儀同三司南安王持節州牧都

督皆因其所稱而授之又以徐義為右丞相留王騰守

晉陽右僕射楊輔戍壺關帥衆四萬進屯平陽

帥讀曰率

初後秦主萇之弟碩德統所部羌居隴上聞萇起兵自

稱征西將軍聚衆於冀城以應之以兄孫詳為安遠將

軍據隴城從孫訓為安西將軍據南安之赤亭

諸姚本赤亭羌

也與秦秦州刺史王統相持萇自安定引兵會碩德攻

統天水屠各畧陽羌胡應之者二萬餘戶秦略陽太守

王皮降之

屠直於翻降戶江翻

初秦滅代遷代王什翼犍少子

窟咄於長安

事見一百四卷太元元年窟苦骨翻咄當沒翻

從慕容永東徙永

以窟咄為新興太守劉顯遣其弟亢埜迎窟咄以兵隨之逼魏南境諸部騷動魏王珪左右于桓等與部人謀

執珪以應窟咄幢將代人莫題等亦潛與窟咄交通

魏收

官氏志道武登國元年置幢將六人主三郎衛士直宿禁中者侍中已下中散已上皆統之拓拔詰汾時餘部

諸姓內入者有莫那妻氏後為莫氏幢直江翻桓舅穆崇告之珪誅桓等五人

莫題等七姓悉原不問

為後珪殺莫題張本

珪懼內難

難乃旦翻

北踰

陰山復依賀蘭部

復扶又翻

遣外朝大人遼東安同求救於

燕

姓譜安息王子入侍遂為漢人風俗通漢有安成為太守廬山記有安息國王子安高朝直遙翻

燕

主垂遣趙王麟救之 九月王統以秦州降於後秦

降戶

江翻

後秦主苻萇以姚碩德為使持節都督隴右諸軍事秦

州刺史鎮上邽

使疏吏翻

呂光得秦王堅函問舉軍縞素

謚曰文昭皇帝冬十月大赦改元大安

晉書載記作太安

西

燕慕容永遣使詣秦主丕求假道東歸

使疏吏翻

丕弗許與

永戰于襄陵

襄陵縣漢屬河東郡晉屬平陽郡

秦兵大敗左丞相王永

衛大將軍俱石子皆死初東海王纂自長安來

去年纂奔丕

麾下壯士三千餘人不忌之既敗懼為纂所殺帥騎數

千南奔東垣

東垣縣漢已改為真定此東垣在河南新安縣界宋白曰河南府王屋縣漢為河東

郡垣縣地又絳州垣縣本河東郡縣名其地即周召分

陝之所又曰河南府漢為河南郡治洛陽後漢都洛陽

河南屬司隸校尉魏陳留王奐合河南等五郡置司州

劉聰為荊州石虎為洛州苻堅為豫州宋武入洛更置

東垣西垣二縣仍于虎牢置

司州帥讀曰率騎奇寄翻謀襲洛陽揚威將軍馮該

自陝邀擊之

陝式冉翻

殺丕執其太子寧長樂王壽送建康

樂音洛

詔赦不誅以付苻宏

苻宏去年來奔處之江州

纂與其弟尚書

永平侯師奴帥秦衆數萬走據杏城其餘王公百官皆

沒於永永遂進據長子即皇帝位改元中興將以秦后

楊氏為上夫人楊氏引劍刺永

刺七亦翻

為永所殺 甲申

海西公奕薨于吳

年四十五

燕寺人吳深據清河反

寺音侍又

如字燕主垂攻之不克

後秦主苻還安定

自上邽還安定也

秦南安王登既克南安夷夏歸之者三萬餘戶

夏戶雅翻遂

進攻姚碩德于秦州後秦主苻自往救之登與苻戰于

胡奴阜

胡奴阜在上邽西

大破之斬首二萬餘級將軍啖青射

苻中之

射而亦翻中竹仲翻

苻創重

創初良翻

走保上邽姚碩德代之

統衆

燕趙王麟軍未至魏拓跋窟咄稍前逼魏王珪

賀染干侵魏北部以應之魏衆驚擾北部大人叔孫普

洛亡奔劉衛辰麟聞之遽遣安同等歸魏人知燕軍在

近衆心少安

少詩  
沼翻

窟咄進屯高柳

高柳縣漢屬代郡晉  
省鄴道元曰高柳在

代中其山重巒疊嶺霞舉雲高其  
山隱隱而東出遼塞注又見前

珪引兵與麟會擊之

窟咄大敗奔劉衛辰衛辰殺之珪悉收其衆以代人庫

狄干為北部大人

魏書官氏志次南諸部  
有庫狄氏後為狄氏

麟引兵還中

山劉衛辰居朔方士馬甚盛後秦主苻以衛辰為大將

軍大單于河西王幽州牧

單音  
蟬

西燕主永以衛辰為大



將軍朔州牧十一月秦尚書寇遺奉勃海王懿濟北王

昶自杏城奔南安

濟子禮翻

南安王登發喪行服謚秦主不

曰哀平皇帝登議立懿為主衆曰勃海王雖先帝之子

然年在幼冲未堪多難

難乃旦翻

今三虜窺覲

三虜謂姚萇慕容垂慕容

永也宜立長君

長知兩翻

非大王不可登乃為壇於隴東即皇

帝位

登字文高堅之族孫也

大赦改元太初置百官慕容柔慕

容盛及盛弟會皆在長子

太元九年柔等有長安得脫奔慕容冲冲死隨永東遷

盛謂柔會曰主上已中興幽冀

主上謂燕主垂

東西未壹

東謂燕主

垂西謂燕主永吾屬居嫌疑之地為智為愚皆將不免不若以

時東歸無為坐待魚肉也遂相與亡歸燕後歲餘西燕

主永悉誅燕主雋及燕主垂之子孫男女無遺

史言慕容盛之

智張大豫自西郡入臨洮掠民五千餘戶保據俱城

俱城在臨洮界

十二月吕光自稱使持節侍中中外大都督

督隴右河西諸軍事大將軍凉州牧酒泉公

使疏更翻

秦

主登立世祖神主于軍中

秦主堅廟號世祖

載以輜

輜車四面有屏蔽

者曰輜輶

建黃旗青蓋以虎賁三百人衛之

賁音

凡所

欲為必啟主而後行引兵五萬東擊後秦將士皆刻鉞

鎧為死休字

鉞頭牟鎧甲也鉞音牟言欲復讐必死乃休也楊正衡曰字林鉞古矛字

每戰

以劍稍為方圓大陣

稍色角翻與槩同

知有厚薄從中分配故

人自為戰所向無前初長安之將敗也

謂苻堅為慕容冲所困之時

中壘將軍徐嵩屯騎校尉胡空各聚眾五千結壘自固

既而受後秦官爵後秦主苻以王禮葬秦主堅于二壘

之間及登至嵩空以眾降之登拜嵩雍州刺史空京兆

尹

降戶江翻雍于用翻

改葬堅以天子之禮

乙酉燕主垂攻吳

深壘拔之深單馬走

吳深時據清河以叛燕

垂進屯聊城之逢關

陂

聊城縣漢屬東郡晉屬平原郡

初燕太子洗馬溫詳來奔以為濟北

太守屯東阿

東阿縣漢屬東郡晉屬濟北郡洗悉薦翻濟子禮翻

燕主垂遣范陽

王德高陽王隆攻之詳遣從弟攀守河南岸子楷守碣

礮以拒之燕主垂以魏王珪為西單于封上谷王珪

不受

珪不受燕封其志不在小單音蟬

資治通鑑卷一百六

欽定四庫全書

資治通鑑卷一百七

宋 司馬光 撰

胡三省 音註

晉紀二十九

起彊圉大淵獻盡重光單閼凡五年

烈宗孝武皇帝中之下

太元十二年春正月乙巳以朱序為兗青二州刺史代

謝玄鎮彭城序求鎮淮陰許之

序求鎮淮陰以燕方強必進取河南彭城去建

康道遠聲援不接故也

以玄為會稽內史

優玄以內地也會工外翻

丁未大

救燕主垂觀兵河上

韋昭曰觀示也陳兵以示威武觀古玩翻

高陽王隆

曰溫詳之徒皆白面儒生烏合為羣徒恃長河以自固

若大軍濟河必望旗震壞不待戰也垂從之戊午遣鎮

北將軍蘭汗護軍將軍平幼於碣磳西四十里濟河隆

以大衆陳於北岸

陳讀曰陣

溫攀溫楷果走趣城

蓋趣東阿城也趣七

喻翻

平幼追擊大破之詳夜將妻子奔彭城其衆三萬餘

戶皆降於燕

降戶江翻

垂以太原王楷為兗州刺史鎮東阿

初垂在長安秦王堅嘗與之交手語穴從僕射光祚言

於堅曰

冗而隴翻  
從才用翻

陛下頗疑慕容垂乎垂非久為天下

者也堅以告垂及秦主丕自鄴奔晉陽

事見上  
卷十年

祚與黃

門侍郎封孚鉅鹿太守封勸皆來奔

祚從符丕在鄴  
見上卷九年

勸

奕之子也

封奕仕燕燕興於  
昌黎奕有力焉

垂之再圍鄴也

見一百五  
卷九年

秦故臣西河朱肅等各以其衆來犇詔以祚等為河北

諸郡太守皆營於濟北濮陽

濟北濮陽二郡  
子禮翻濮博木翻

羈屬溫

詳

師古曰言羈  
縻屬之而已

詳敗俱詣燕軍降

降戶  
江翻

垂赦之撫待如

舊垂見光祚流涕沾衿

衿音  
今

曰秦王待我深吾事之亦



盡但為二公猜忌

二公謂長樂公不平原公暉也

吾懼死而負之

事見一百

五卷九年

每一念之中宵不寐祚亦悲慟垂賜祚金帛祚固

辭垂曰卿猶復疑邪

復扶又翻

祚曰臣昔者惟知忠於所事

不意陛下至今懷之臣敢逃其死垂曰此乃卿之忠固

吾所求也前言戲之耳

用孔予語

待之彌厚以為中常侍

光祿

秦之宦者故處以此官

翟遼遣其子釗冠陳頴朱序遣將軍秦

膺擊走之秦主登立妃毛氏為皇后勃海王懿為太

弟后興之女也遣使拜東海王纂為使持節都督中

外諸軍事太師領大司馬封魯王

使疏吏翻

纂弟師奴為撫

軍大將軍并州牧封朔方公纂怒謂使者曰勃海王先帝之子南安王何以不立而自立乎長史王旅諫曰南安已立理無中改今寇虜未滅不可宗室之中自為仇敵也纂乃受命於是盧水胡彭沛穀屠各董成張龍世新平羌雷惡地等皆附於纂有衆十餘萬

以登纂連兵聲勢浸

盛故相與歸之屠直於翻

後秦主苻徙秦州豪傑三萬戶于安定

去年苻徙安定民以實長安今又徙秦州豪傑以實安定蓋苻起兵以安定為根本而欲都長安故因道里遠近為

次以漸徙之

初安次人齊涉聚衆八千餘家據新柵降燕

安次縣前漢屬勃海後漢屬廣陽國晉屬燕國新柵蓋在魏郡界降戶江翻

燕主垂拜涉魏

郡太守既而復叛連張願願自帥萬餘人進屯祝阿之

笕口

祝阿縣漢屬平原郡晉屬濟南郡願自泰山進屯焉劉昫曰齊州禹城縣漢祝阿縣天寶元年更名

宋白曰祝阿猶東阿也古祝國黃帝之後按古東阿齊為東阿漢為祝阿縣故城在今豐齊縣東北二里唐改禹城復扶又翻即讀曰率笕烏貢翻招翟遼共應涉高陽王隆言於垂曰新

柵堅固攻之未易猝拔

易以鼓翻

若久頓兵於其城下張願

擁帥流民西引丁零

丁零謂翟遼帥讀曰率

為患方深願衆雖

多然皆新附未能力鬪因其自至宜先擊之願父子恃

其驍勇

驍堅先翻

必不肯避去可一戰擒也願破則涉不能

自存矣垂從之二月遣范陽王德陳留王紹龍驤將軍

張宗

驍思將翻

帥步騎二萬會隆擊願軍至斗城去笊口二

十餘里解鞍頓息願引兵奄至燕人驚遽德兵退走隆

勒兵不動願子龜出衝陳

陳讀曰陣

隆遣左右王末逆擊斬

之隆徐進戰願兵乃退德行里餘復整兵還與隆合

復扶

又翻謂隆曰賊氣方銳宜且緩之隆曰願乘人不備宜得

大捷而吾士卒皆以懸隔河津勢迫之故人思自戰

言兵

為河津所隔前有強敵退則溺死故思之而各自為戰也故能却之今賊不得利氣

竭勢衰皆有進退之志不能齊奮宜亟擊之德曰吾唯

卿所為耳遂進戰於笈口大破之斬首七千八百級願

脫身保三布口燕人進軍歷城

歷城縣自漢以來屬濟南郡

青兗徐州

郡縣壁壘多降

降戶江翻

垂以陳留王紹為青州刺史鎮歷

城德等還師新柵人冬鷹執涉送之

果如慕容隆所料唐韻冬姓也

垂

誅涉父子餘悉原之三月秦主登以竇衝為南秦州

牧楊定為益州牧楊壁為司空梁州牧乞伏國仁為大

將軍大單于苑川王

杜佑曰苑川在蘭州五泉縣近大榆谷余謂杜佑以意言之單音

蟬

燕上谷人王敏殺太守封戢代郡人許謙逐太守

賈閏各以郡附劉顯

為燕擊劉顯張本

燕樂浪王溫為尚書

右僕射

燕下當有以字樂浪音洛琅

夏四月戊辰尊帝母李氏為

皇太妃儀服如太后

後秦征西將軍姚碩德為楊定

所逼退守涇陽

涇陽縣前漢屬安定郡後漢晉省秦屬隴東郡杜佑曰漢涇陽縣在今平涼郡

界涇陽故城是

定與秦魯王纂共攻之戰于涇陽碩德大敗後

秦主萇自陰密救之纂退屯敷陸

陰密縣屬安定郡殷時密國也敷陸唐坊

州郿城縣即其地

燕主垂自礪礪還中山慕容慕容盛慕

容會來自長子

慕容等去年自長子逃歸今始達中山

庾子垂為之大赦

喜

孫得全而東歸故為之肆赦為于偽翻

垂問盛長子人情如何為可取乎

盛曰西軍擾擾人有東歸之志陛下唯當脩仁政以俟

之耳若大軍一臨必投戈而來若孝子之歸慈父也垂

悅癸未封柔為陽平王盛為長樂公

樂音洛

會為清河公

高平人翟暢執太守徐含遠以郡降翟遼

降戶

燕主

垂謂諸將曰遼以一城之衆反覆三國之間

三國謂晉及燕西燕

不可不討五月以章武王宙監中外諸軍事

監工衛翻輔太

子寶守中山垂自帥諸將南攻遼

帥讀曰率下同

以太原王楷

為前鋒都督遼衆皆燕趙之人聞楷至皆曰太原王子

吾之父母也

楷父恪相燕燕趙之人懷之故云然

相帥歸之遼懼遣使請

降垂以遼為徐州牧封河南公前至黎陽受降而還

降戶

江井陘人賈鮑

井陘縣屬常山郡陘音刑

招引北山丁零翟遼等五

千餘人夜襲中山陷其郭章武王宙以奇兵出其外太



子寶鼓譟於內合擊大破之盡俘其衆唯遙鮑單馬走免劉顯地廣兵彊雄於北方會其兄弟乖爭魏長史

張袞言於魏王珪曰顯志在并吞今不乘其內潰而取

之

奴真肺塗相繼來降故云然

必為後患然吾不能獨克請與燕共

攻之珪從之復遣安同乞師於燕

去年魏遣安同乞師於燕以破窟咄故此

言復復扶又翻

詔徵會稽處士戴逵

會工外翻處昌呂翻

逵累辭不

就郡縣敦逼不已逵逃匿于吳謝玄上疏曰逵自求其

志

論語曰隱居以求其志

今王命未回將罹風霜之患陛下既已

愛而器之亦宜使其身名並存請絕名命帝許之

玄為會稽

內史故為達上疏

達遂之兄也

戴逵見一百四卷四年

秦主登以其兄

同成為司徒守尚書令封潁川王弟廣為中書監封安

成王子崇為尚書左僕射封東平王燕主垂自黎陽

還中山吳深殺燕清河太守丁國章武人王祖殺太

守白欽勃海人張申據高城以叛

高城縣屬勃海郡賢曰高城故城在今滄

州鹽山縣南

燕主垂命樂浪王溫討之苑川王國仁帥騎

三萬襲鮮卑大人密貴裕苟提倫三部于六泉

密貴為一

部裕苟為一部提倫為一部六

秋七月與沒奕千金熙

泉在高平帥讀曰率騎奇寄翻

戰于渴渾川按載記國仁襲三部而沒奕千金熙連兵襲國仁故遇戰于渴渾川其地當在天水

勇士縣

沒奕千金熙大敗三部皆降

降戶江翻

秦主登軍于

瓦亭後秦主苻攻彭沛穀堡拔之穀犇杏城

彭沛穀盧水胡也立

堡於貳縣杜佑曰杏城在坊州西

苻還陰密以太子興鎮長安

燕趙

王麟討王敏于上谷斬之

劉衛辰獻馬於燕劉顯掠之

燕主垂怒遣太原王楷將兵助趙王麟擊顯大破之

將即

亮翻顯犇馬邑西山魏王珪引兵會麟擊顯於彌澤

按魏書帝

紀彌澤在馬邑南

又破之顯赫西燕麟悉收其部衆獲馬牛羊

以千萬數

劉顯滅而拓拔氏彊矣為慕容氏計者莫若兩利而俱存之可以無他日亡國之禍

呂光將彭晃徐晃攻張大豫于臨洮破之

張大豫奔臨洮見上卷上

年洮土

刀翻

大豫奔廣武王穆建康八月廣武人執大豫送

姑臧斬之穆襲據酒泉自稱大將軍涼州牧 辛巳

立皇子德宗為太子大赦 燕主垂立劉顯弟可泥為

烏桓王以撫其衆徙八千餘落于中山 秦馮翊太守蘭

續帥衆二萬自頻陽入和寧

頻陽縣秦厲公置自漢以來屬馮翊應劭曰在頻水

之陽據載記和寧在嶺北杏城之東南帥讀曰率

與魯王纂謀攻長安纂弟師

奴勸纂稱尊號纂不從師奴殺纂而代之續遂與師奴

絕西燕主永攻續續請救於後秦後秦主苻欲自救之

尚書令姚弋左僕射尹緯曰苻登近在瓦亭將乘虛襲

吾後苻曰苻登衆盛非旦夕可制登遲重少決必不能

輕軍深入比兩月間

比必寐翻及也

吾必破賊而返登雖至無

能為也九月苻軍于泥源

漢書地理志北地郡有泥陽縣應劭注云泥水出郁

邠北

師奴逆戰大敗亡犇鮮卑後秦盡收其衆屠各

董成等皆降

符纂兄弟既敗符登之勢孤矣屠直於翻

秦主登進據胡空

堡

秦屯騎校尉胡空所築堡也在新平界

戎夏歸之十餘萬

夏戶雅翻

冬十

月翟遼復叛燕

復扶又翻下同

遣兵與王祖張申寇抄清河平

原

抄楚交翻

後秦主苻進擊西燕王永於河西

西燕王當作西燕主

此龍門至華陰河之西也

永走蘭犢復列兵拒守苻攻之十二月

禽犢遂如杏城

後秦姚方成攻秦雍州刺史徐嵩壘

拔之執嵩而數之

雍於用翻數所具翻

嵩罵曰汝姚苻罪當萬死

苻黃眉欲斬之先帝止之

謂穆帝升平元年姚襄敗時也授任内外榮

寵極矣曾不如犬馬識所養之恩親為大逆

謂殺秦王堅於新平

佛寺也

汝羌輩豈可以人理期也何不速殺我方成怒三

斬嵩

三斬者斬其足斬其腰斬其頸也

悉阮其士卒以妻子賞軍後秦

王萇掘秦主堅尸鞭撻無數剥衣裸形薦之以棘坎土

而埋之

堅葬于徐嵩胡空二壘之間徐嵩之壘既陷故姚萇得掘墓鞭尸以逞其忿裸即果翻薦藉也

涼州大饑米斗直錢五百人相食死者大半 呂光

西平太守康寧自稱匈奴王殺湟河太守強禧以叛

西平郡東漢之末金城置唐之鄯州即其地也張掖湟河郡河西張氏置蓋亦在鄯州界內強其兩翻

太守彭晃亦叛東結康寧西通王穆光欲自擊晃諸將

皆曰今康寧在南伺釁而動

伺相吏翻

若晃穆未誅康寧復

至

復扶又翻

進退狼狽勢必大危光曰實如卿言然我今不

往是坐待其來也若三寇連兵

三寇謂康寧彭晃王穆

東西交至

則城外皆非吾有大事去矣今晃初叛與穆寧情契未

密出其倉猝取之差易耳

易以鼓翻

乃自帥騎三萬

帥讀曰率騎奇

寄翻倍道兼行既至攻之二旬拔其城誅晃初王穆起兵

遣使招敦煌處士郭瑀

使疏吏翻敦煌徒門翻處昌呂翻

瑀歎曰今民將



左衽吾忍不救之邪乃與同郡索昫起兵應穆

索昫各翻

運

粟三萬石以餉之穆以瑀為太府左長史軍師將軍昫

為敦煌太守既而穆聽讒言引兵攻昫瑀諫不聽出城

大哭舉手謝城曰吾不復見汝矣

復扶又翻

還而引被覆面

履敷又翻

不與人言不食而卒

卒子恤翻

呂光聞之曰二虜相攻

此成禽也不可以憚屢戰之勞而失永逸之機也

一勞永逸

古語有之

遂帥步騎二萬攻酒泉克之進屯涼興

涼興郡河西張氏置

在唐瓜州常樂縣界

穆引兵東還未至衆潰穆單騎走驛馬令郭

文斬其首送之

驛馬縣屬酒泉郡蓋魏晉間所置也驛思榮翻呂光新得河西黨叛於內敵攻

於外雖數戰數勝而根本不固宜不足以貽子孫也

十三年春正月康樂獻武公謝玄卒

樂音洛康樂縣屬豫章郡

二

月秦主登軍朝那

朝那縣自漢以來屬安定郡

後秦主苻軍武都

武此

都亦當在安定界五代志朝那縣西魏置安武郡安武漢舊縣名武都之名當是因安武而名

翟遼

遣司馬睦瓊詣燕謝罪

睦姓也師古息隨翻類篇宜為翻

燕主垂以其

數反覆斬瓊以絕之

數所角翻

遼乃自稱魏天王改元建光

置百官

燕青州刺史陳留王紹為平原太守辟閭渾

所逼退屯黃巾固

漢末黃巾保聚于其地因以為名齊人謂壘堡為固紹自歷城退屯焉其

地在濟南郡章丘城北

燕主垂更以紹為徐州刺史渾蔚之子也

辟閭蔚見一百卷穆帝永和十二年蔚紆忽翻

因苻氏亂據齊地來降

後辟閭渾為慕

容德所殺降戶江翻

三月乙亥燕主垂以太子寶錄尚書事授

之以政自總大綱而已 燕趙王麟擊許謙破之

去年許謙

叛燕附劉顯

謙犇西燕遂廢代郡悉徙其民於龍城 呂光

之定涼州也杜進功居多光以為武威太守

事見上卷十年貴

寵用事羣僚莫及光甥石聰自關中來光問之曰中州

人言我為政何如聰曰但聞有杜進耳不聞有舅光由

是忌進而殺之光與羣寮宴語及政事參軍京兆段業

曰明公用瀾太峻光曰吳起無恩而楚彊商鞅嚴刑而

秦興業曰起喪其身鞅亡其家皆殘酷之致也

吳起事見一卷

周安王十五年商鞅事見二卷顯王三十一年喪息浪翻明公方開建大業景行堯

舜詩曰高山仰止景行行止毛萇曰景大也鄭玄曰景明庶幾古人有高德者則慕仰之有明行者則而行

孟翻之行下猶懼不濟乃慕起鞅之為治治直吏翻豈此州士女

所望哉光改容謝之沮渠蒙遜兄弟舉兵所以推段業為重亦由此言為涼州人士所歸

敬也 夏四月戊午以朱序為都督司雍梁秦四州諸軍

事雍州刺史成洛陽

雍於用翻

以譙王恬代序為都督兗冀

幽并諸軍事青兗二州刺史 苑川王國仁破鮮卑越

質叱黎於平襄

平襄縣漢屬天水郡

晉屬畧陽郡越質蓋鮮卑部落之號後以為氏獲

其子詰歸 丁亥燕主垂立夫人段氏為皇后以太子

寶領大單于

單音蟬

段氏右光祿大夫儀之女其妹適范

陽王德儀寶之舅也

為後寶逼殺段后張本

追謚前妃段氏為成

昭皇后

段氏死見一百卷穆帝升平二年

五月秦太弟懿卒謚曰獻

哀 翟遼徙屯滑臺

遼自黎陽徙屯滑臺既與燕絕欲阻河為固也滑臺城在白馬縣西

春秋鄭廩延邑也唐為滑州

六月苑川王乞伏國仁卒謚曰宣烈

廟號烈祖其子公府尚幼羣下推國仁弟乾歸為大都

督大將軍大單于河南王

時乞伏氏跨有涼州河南之地遂為國號為後公府殺乾

歸張本單音蟬

大赦改元太初

魏王珪破庫莫奚於弱落水

南

新唐書曰奚亦東胡種為匈奴所破保烏丸山漢曹操斬蹋頓蓋其後也弱落水即饒樂水在奚中

秋

七月庫莫奚復襲魏營

復扶又翻

珪又破之庫莫奚者本

屬宇文部與契丹同類而異種其先皆為燕王皝所破

徙居松漠之間

契丹國自西樓東去四十里至真珠寨又東行地勢漸高西望松林鬱然數十

里遂入平川契欺訖翻洪邁曰契丹之讀如喫惟新唐書有音種章勇翻

秦後秦自春相

持屢戰互有勝負至是各解歸關西豪傑以後秦久無

成功多去而附秦 河南王乾歸立其妻邊氏為王后

置百官倣漢制以南川侯出連乞都為丞相

出連亦以部落之號

為梁州刺史悌眷為御史大夫金城邊芮為左長史東

秦州刺史祕宜為右長史

乞伏氏置東秦州於安南

武始翟勅為左

司馬

勅渠京翻

略陽王松壽為主簿從弟軻彈為梁州牧弟

益州為秦州牧屈眷為河州牧

乞伏乾歸所置州牧不過分居河隴之間從才

用翻

八月秦主登立子崇為皇太子弁為南安王尚為

北海王

燕護軍將軍平幼會章武王宙討吳深破之

走保繹幕

繹幕縣自漢以來屬清河郡

魏王珪陰有圖燕之志遣

九原公儀奉使至中山燕主垂詰之曰

使疏吏翻詰去舌翻

魏王

何以不自來儀曰先王與燕並事晉室世為兄弟

魏與燕皆

鮮卑種也拓拔力微與慕容涉歸並事晉室

臣今奉使於理未失垂曰吾今威

加四海豈得以昔日為比儀曰燕若不修德禮欲以兵



威自彊此乃將帥之事

將即亮翻  
帥所類翻

非使臣所知也儀還

言於珪曰燕主衰老太子闇弱范陽王自負材氣

是時慕容

德在燕宗室中固自有與人不同者

非少主臣也

少詩照翻

燕主既沒內難必

作

難乃旦翻

於時乃可圖也今則未可珪善之

為後魏攻燕張本

儀

珪母弟翰之子也

九月河南王乾歸遷都金城

張

申攻廣平王祖攻樂陵壬午燕高陽王隆將兵討之

冬十月後秦主苻還安定秦主登就食新平帥衆萬餘

圍苻營

帥讀曰率

四面大哭苻命營中哭以應之登乃退

十二月庚子尚書令南康襄公謝石卒 燕太原王

楷趙王麟將兵會高陽王隆於合口

水經衡漳水過勃海建成縣又東左

會呼沱別河故瀆又東北入清河謂之合口魏收地志曰浮陽縣西接漳水衡水入焉今謂之合口

以擊張申王祖帥諸壘共救之

帥讀曰率

夜犯燕軍燕人逆

擊走之隆欲追之楷麟曰王祖老賊或恐詐而設伏不

如侯明隆曰此白地羣盜烏合而來徼幸一決

徼堅翻非

素有約束能壹其進退也今失利而去衆莫為用乘勢

追之不過數里可盡擒也申之所恃唯在於祖祖破則

申降矣

降戶江翻下同

乃留楷麟守申壘隆與平幼分道擊之

比明

比必利翻及也

大獲而還懸所獲之首以示申甲寅申出

降祖亦歸罪

秦以潁川王同成為太尉

同成秦主登之兄

十四年春正月燕以陽平王柔鎮襄國遼西王農在龍

城五年庶務修舉乃上表曰臣頃因征即鎮

農誅餘農擊高句麗

因鎮龍城見上卷十年

所統將士安逸積年青徐荆雍遺寇尚繁

雍於

用翻

願時代還展竭微效生無餘力沒無遺恨臣之志

也庚申燕主垂召農為侍中司隸校尉以高陽王隆

為都督幽平二州諸軍事征北大將軍幽州牧建留臺

於龍城以隆錄留臺尚書事又以護軍將軍平幼為征

北長史散騎常侍封孚為司馬

散志直翻  
騎奇寄翻

並兼留臺尚

書隆因農舊規修而廣之遼碣遂安

遼碣謂遼水碣  
石碣其謁翻

後秦主苻以秦戰屢勝謂得秦王堅之神助亦於軍中

立堅像而禱之曰臣兄襄敕臣復讎

穆帝升平元年  
姚襄為秦所殺新

平之禍

見上卷  
十年

臣行襄之命非臣罪也苻登陛下疎屬

猶欲復讎況臣敢忘其兄乎且陛下命臣以龍驤建業

見一百五卷八年  
藤思將翻

臣敢違之今為陛下立像

為于偽翻

陛下勿

追計臣過也秦主登升樓遥謂萇曰為臣弑君而立像

求福庸有益乎因大呼曰

呼火故翻

弑君賊姚萇何不自出

吾與汝決之萇不應久之以戰未有利軍中每夜數驚

數所角翻

乃斬像首以送秦

秦主登以河王乾歸為大將

軍大單于金城王

單音蟬

甲寅魏王珪襲高車破之

二月呂光自稱三河王

呂光字世明光時有涼州河西之地未能兼有三河也

大

赦改元麟嘉置百官光妻石氏子紹弟德世自仇池來

至姑臧

長安之亂呂光之家奔仇池依楊氏

光立石氏為妃紹為世子

癸巳魏王珪擊吐突隣部於女水

女水在弱落水西去平城三千餘里後魏

顯祖改曰武川

大破之盡徙其部落而還

秦主登留輜重於

大界

大界當在安定新平之間重直用翻

自將輕騎萬餘攻安定羌密造

保克之

將即亮翻騎奇寄翻保當作堡

夏四月翟遼寇滎陽執太守

張卓

燕以長樂公盛鎮薊城脩繕舊宮

燕主雋初自龍城徙都薊

有舊宮在焉樂音洛薊音計

五月清河民孔金斬吳深送首中山

吳深

反事始上卷十一年

金城王乾歸擊侯年部大破之於是秦涼

鮮卑羌胡多附乾歸乾歸悉授以官爵後秦主苻與

秦主登戰數敗

數所角翻

乃遣中軍將軍姚崇襲大界登邀

擊之於安丘

魏收地形志安定陰盤縣有安城

又敗之

敗補邁翻

燕范陽

王德趙王麟擊賀訥追奔至勿根山訥窮迫請降

降戶江翻

徙之上谷質其弟染干於中山

質音致

秋七月以驃騎

長史王忱為荊州刺史都督荆益寧三州諸軍

驃匹妙翻騎奇

寄翻忱是士翻

忱國寶之弟也

秦主登攻後秦右將軍吳忠

等於平涼克之八月登據苟頭原以逼安定諸將勸後

秦主苴決戰苴曰與窮寇競勝兵家之忌也吾將以計

取之乃留尚書令姚弋守安定夜帥騎三萬

帥讀曰率下同

襲

秦輜重于大界克之

重戰輕防此苻登所以敗也重直用翻

殺毛后及南

安王尚

尚秦主登之子也

擒名將數十人驅掠男女五萬餘口而

還毛氏美而勇善騎射後秦兵入其營毛氏猶彎弓

跨馬帥壯士數百人戰衆寡不敵為後秦所執苴將納

之毛氏罵且哭曰姚苴汝先已殺天子

謂殺秦王堅也

今又欲

辱皇后皇天后土寧汝容乎苴殺之諸將欲因秦軍駭



亂擊之萇曰登衆雖亂怒氣猶盛未可輕也遂止

兵勝者驕

兵起者奮以奮乘驕則先敗而後勝者多矣姚萇見兵勢所以收衆而止

登收餘衆屯胡空

堡萇使姚碩德鎮安定徙安定千餘家于陰密遣其弟征南將軍靖鎮之九月庚午以左僕射陸納為尚書

令秦主登之東也後秦主萇使姚碩德置秦州守宰

以從弟常成隴城

從才用翻隴城縣漢屬天水郡晉省此時當屬畧陽郡

邢奴成

冀城姚詳戍畧陽楊定攻隴冀克之斬常執邢奴詳棄

畧陽犇陰密定自稱秦州牧隴西王秦因其所稱而授

之 冬十月秦主登以竇衝為大司馬都督隴東諸軍

事雍州牧

雍於用翻

楊定為左丞相都督中外諸軍事秦梁

二州牧約共攻後秦又約監河西諸軍事并州刺史楊

政都督河東諸軍事冀州刺史楊楷各帥其衆會長安

帥讀曰率下同

政楷皆河東人秦主丕既敗政楷收集流民數

萬戶政據河西楷據湖陝之間遣使請命於秦登因而

授之

大界既陷苻登之兵勢衰矣故約竇衝等共攻後秦陝式冉翻使疏吏翻

燕樂浪悼王

溫為冀州刺史

燕冀州刺史治信都樂浪音洛琅

翟遼遣丁零故堤詐

降於溫帳

何承天姓苑有故姓帳謂帳下

乙酉刺溫殺之

刺七亦翻

并其長

史司馬驅帥守兵二百戶犇西燕燕遼西王農邀擊刺

溫者於襄國盡獲之惟堤走免十一月枹罕羌彭奚

念附於乞伏乾歸以奚念為北河州刺史

枹罕舊為河州治所乞伏

氏先于境內置河州以屈眷為牧故以枹罕為北河州以奚念為刺史枹音膚

初帝既親政

事

太元元年崇德太后歸政帝始親政事

威權已出有人主之量已而溺

於酒色委事於琅邪王道子道子亦嗜酒日夕與帝以

酣歌為事又崇尚浮屠窮奢極費所親暱者皆妯娌

僧尼

暱尼質翻姑三翻老女稱  
母莫補翻女師也又音茂

左右近習爭弄權柄

交通請託賄賂公行官賞濫雜刑獄謬亂尚書令陸納

望宮闕歎曰好家居纖兒欲撞壞之邪

撞未降翻纖者  
小之至言為纖

兒謂不及  
小兒也

左衛領營將軍會稽許營

以左衛將軍領營  
兵是為左衛領營

將軍許營  
一作榮

上疏曰今臺府局吏直衛武官及僕隸婢兒

取母之姓者

官婢私合而生子不能審  
知其父取母之姓為姓

本無鄉邑品第

皆得為郡守縣令或帶職在內及僧尼乳母競進親黨

又受貨賂輒臨官領衆政教不均暴濫無罪禁令不明

劫盜公行昔年下書敕羣下盡規而衆議兼集無所採

用臣聞佛者清遠玄虛之神今僧尼往往依傍瀟服傍步

浪翻謂依傍佛法服僧尼之服而不遵其教也五誠麗瀟尚不能遵况精妙乎

佛有五戒不淫不盜不殺不妄語不遭酒敗而流惑之徒競加敬事又侵漁

百姓取財為惠亦未合布施之道也施式吏翻疏奏不省省悉

景翻道子勢傾内外遠近犇湊帝漸不平然猶外加優崇

侍中王國寶以讒佞有寵於道子扇動朝衆朝直遙翻諷八

座啟道子宜進位丞相揚州牧假黃鉞加殊禮晉氏渡江有更

部祠部五兵左民度支五尚書二僕射一令為八生護軍將軍南平車盾曰沈約曰秦

時有護軍都尉漢陳平為護軍中尉盡護諸將李廣為驍騎將軍屬護軍將軍蓋護軍護諸將軍魏武以韓浩為護軍資重為護軍將軍資輕為中護軍車尺遮翻此乃成王所以尊周公也今

主上當陽人主南面鄉明而立以治天下故曰當陽非成王之比相王在位

豈得為周公乎乃稱疾不署不署名也疏奏帝大怒而嘉盾

有守中書侍郎范甯徐邈為帝所親信數進忠言數所角翻

補正闕失拍斥姦黨王國寶甯之甥也甯尤疾其阿諛

勸帝黜之陳郡袁悅之有寵於道子國寶使悅之因尼

妙音致書於太子母陳淑媛云國寶忠謹宜見親信帝知之發怒以他事斬悅之國寶大懼與道子共譖范甯出為豫章太守甯臨發上疏言今邊烽不舉而倉庫空

匱古者使民歲不過三日

記王制古者用民之力歲不過三日任老者之事食壯者

之食今之勞擾殆無三日之休至有生兒不復舉養

復扶又翻

鰥寡不敢嫁娶厝火積薪不足喻也

厝火積薪賈誼之言

甯又上

言中原士民流寓江左歲月漸久人安其業凡天下之人原其先祖皆隨世遷移何至於今而獨不可謂宜正

其封疆戶口皆以土斷

晉時中原士民南渡者皆於江左僑立郡縣以居之不以土著

為斷斷  
丁亂翻

又人性無涯奢儉由勢今并兼之室亦多不贍

非其財力不足盖由用之無節爭以靡麗相高無有限

極故也禮十九為長殤以其未成人也

未成人而死曰殤其喪禮殺於

成人長  
知兩翻

今以十六為全丁十三為半丁所任非復童幼

之事

任音  
壬

豈不傷天理困百姓乎謂宜以二十為全丁

十六為半丁則人無夭折生長繁滋矣

夫於兆翻  
長知兩翻

帝多

納用之甯在豫章遣十五議曹下屬城

豫章領南昌海昏新塗建成望



蔡永修建昌吳平豫章彭澤艾康樂豐城新昌宜豐鍾陵十六縣一縣員郭餘十五縣各遣一議曹下退稼翻

採求風政并吏假還訊問官長得失

假居訝翻假還謂吏休假日滿而還

府者徐邈與甯書曰足下聽斷明允庶事無滯則吏慎其

負

負謂罪也吏畏罪則每事加謹斷丁亂翻

而人聽不惑矣

人聽即民聽晉書史臣避唐太

宗諱改民為人通鑑因之

豈須邑至里詣飾其游聲哉非徒不足

致益寔乃蠶漁之所資

蠶漁謂所遣者蠶食漁取於民鄭玄曰趙魏之東寔實同聲寔

是也詩實塘實壑實畝實籍實當作寔言韓侯之先祖微弱所受之國多滅絕今復舊職繼絕世故築治是城修是壑井牧是田畝收歛是賦稅使如故常孔穎達曰凡言實者已有其事而後實之今此方說所為不宜為

實故轉為寔訓之為是也趙魏之東寔實同聲鄭以時事驗之也春秋桓六年州公寔來是由聲同故字有變異也余按徐邈所謂寔訓之為是於義亦通

豈有善人君子而干非其事多

所告白者乎自古以來欲為左右耳目無非小人皆先

因小忠而成其大不忠先藉小信而成其大不信遂使

讒諂並進善惡倒置可不戒哉足下慎選綱紀郡以僚佐為綱

紀必得國士以攝諸曹諸曹皆得良吏以掌文按攝總也

也按據也文按謂諸曹文書留為按據者又擇公方之人以為監司監工衙翻則

清濁能否與事而明足下但平心處之處昌呂翻何取於耳

日哉昔明德馬后未嘗顧左右與言

漢明帝后馬氏謚明德皇后可

謂遠識況大丈夫而不能免此乎

十二月後秦主苻

使其東門將軍任寬

東門將軍苻使守安定東門者也任音壬寬與盆同音蒲奔翻

詐

遣使招秦主登許開門納之

使疏吏翻

登將從之征東將軍

雷惡地將兵在外

將即亮翻

聞之馳騎見登

騎奇寄翻

曰姚萇多

詐不可信也登乃止

萇聞惡地詣登謂諸將曰此羌見登

事不成矣登以惡地勇略過人陰憚之惡地懼降於後

秦

降戶江翻

萇以惡地為鎮軍將軍

秦以安成王廣為司

徒

十五年春正月乙亥譙敬王恬薨西燕主永引兵向

洛陽朱序自河陰北濟河擊敗之

敗補  
邁翻

序追至白水

水經

注白水出上黨高都縣故城西東流歷  
天井關序所至處去長子一百六十里

會翟遼謀向洛

陽序乃引兵還擊走之留膺揚將軍朱黨戍石門使其

子畧督護洛陽以參軍趙蕃佐之身還襄陽琅瑯王道

子恃寵驕恣侍宴酣醉或虧禮敬帝益不能平欲選時

望為藩鎮以潛制道子問於太子左衛率王雅曰吾欲

用王恭殷仲堪何如雅曰王恭風神簡貴志氣方嚴仲

堪謹於細行

行下孟翻

以文義著稱然皆峻狹自是且幹略

不長若委以方面天下無事足以守職若其有事必為

亂階矣帝不從

為後王殷稱兵張本

恭蘊之子

王蘊后父也

仲堪融之

孫也

殷融見九十六卷成帝咸康五年

二月辛巳以中書令王恭為都

督青兗幽并冀五州諸軍事兗青二州刺史鎮京口

三月戊辰大赦

後秦主苻萇攻秦扶風太守齊益男

於新羅堡克之益男走秦主登攻後秦天水太守張業

生於隴東

隴東安定涇陽縣之地

長救之登引去夏四月秦鎮

東將軍魏揭飛自稱衝天王

晉書載紀作魏揭飛太元元年秦遣庭中將軍

魏昌飛擊氏羌意即此人也

帥氏胡攻後秦安北將軍姚當成於杏

城帥請曰率

鎮軍將軍雷惡地叛應之攻鎮東將軍姚漢得

於李潤

李潤地名在邢望李延壽曰馮翊東有李潤鎮按魏書宗室列傳安定王變除華州刺史表曰

謹惟州居李潤堡雖是少梁舊地晉為錫璩然胡夷內附遂為戎落請徙馮翊古城

後秦主苻

欲自擊之羣臣皆曰陛下不憂六十里苻登

時登趣長安據

新豐之千戶固

乃憂六百里魏揭飛何也長曰登非可猝滅吾

城亦非登所能猝拔惡地智畧非常若南引揭飛東結

董成

董成屠各種也時據北地

得杏城李潤而據之長安東北非吾

有也乃潛引精兵一千六百赴之揭飛惡地有衆數萬

氏胡赴之者前後不絕長每見一軍至輒喜羣臣怪而

問之長曰揭飛等扇誘同惡種類甚繁種章勇翻吾雖克其

魁帥

帥所類翻

餘黨未易猝平

易以翻

今烏集而至吾乘勝

取之可一舉無餘也

此曹操取馬超韓遂故智耳

揭飛等見後秦兵

少

少詩治翻

悉衆攻之長固壘不戰示之以弱潛遣其子中

軍將軍崇帥騎數百出其後揭飛兵擾亂萇遣鎮遠將

軍王超等縱兵擊之斬揭飛及其將士萬餘級惡地請

降

降戶江翻

萇待之如初惡地謂人曰吾自謂智勇傑出一

時而每遇姚翁輒困固其分也

分扶問翻史言姚萇能服雷惡地之心

萇

命姚當成於所營之地每柵孔中輒樹一木以旌戰功

掘地作孔豎木以爲柵故有柵孔

歲餘問之當成曰營地太小已廣之

矣萇曰吾自結髮以來與人戰未嘗如此之快以千餘

兵破三萬之衆營地惟小為奇豈以大為貴哉吐谷



渾視連遣使獻見於金城王乾歸乾歸拜視連沙州牧

白蘭王

河西張茂以燉煌晉昌西域都護校尉玉門大護軍三郡三營為沙州吐谷渾未能有其地也

李延壽曰此以吐谷渾部內有黃沙周迴數百里不生草木因號沙州使疏吏翻見賢通鑑

丙寅

魏王珪會燕趙王麟於意辛山

意辛山在牛川北賀蘭部所居也據北史踰陰

山而北即賀蘭部

擊賀蘭紇突鄰紇奚三部破之紇突鄰紇奚

皆降於魏

史言燕為魏驅除降戶江翻

秋七月馮翊人郭質起兵

於廣鄉以應秦

魏收地形志鄭縣有廣鄉原鄭縣時屬京兆

移檄三輔曰姚

萇凶虐毒被神人

被皮義翻

吾屬世蒙先帝堯舜之仁

先帝謂秦

主非常伯納言之子

常伯侍中也  
納言尚書也

即卿校牧守之孫也

校戶  
教翻

與其含恥而存孰若蹈道而死於是三輔壁壘皆

應之獨鄭縣人苟曜聚衆數千附於後秦秦以質為馮

翊太守後秦以曜為豫州刺史

苟曜後持兩端為  
後秦所殺事見後

劉衛

辰遣子直力鞬攻賀蘭部賀訥因急謂降於魏丙子魏

王珪引兵救之直力鞬退

鞬田  
黎翻

珪徙訥部落處之東境

處昌

呂翻八月劉牢之擊翟釗於鄆城釗走河北又敗翟遼

於滑臺張願來降

翟遼張願叛見上卷十一年  
走音奏敗補邁翻鄆音絹

九月北

平人吳桂聚衆千餘立沙門灤長為天子破北平郡轉

寇廣都入白狼城

白狼縣前漢屬右北平郡後漢晉省魏收地形志後漢真君八年置建德

郡治白狼城廣都縣屬馬燕時當屬北平郡

燕幽州牧高陽王隆方葬其夫

人郡縣守宰皆會之衆聞柱反請隆還城遣大兵討之

隆曰今閭閻安業民不思亂柱等以詐謀惑愚夫誘脅

相聚無能為也

誘音酉

遂留葬訖遣廣平太守廣都令先

歸

廣平當作北平

續遣安昌侯進將百餘騎趨白狼城

趨七柱俞翻

衆聞之皆潰窮捕斬之以侍中王國寶為中書令俄

兼中領軍

道子主之也

丁未以吳郡太守王珣為尚書右

僕射

吐谷渾視連卒子視羆立視羆以其父祖慈仁

為四鄰所侵侮

吐谷渾辟奚視連慈仁見一百三卷簡文帝咸安元年

乃督厲將

士欲建功業冬十月金城王乾歸遣使拜視羆沙州牧

白蘭王視羆不受

為後乞伏乾歸伐吐谷渾張本

十二月郭質及苟

曜戰于鄭東質敗奔洛陽

鄭東鄭縣之東也

越質詰歸據平

襄叛金城王乾歸

十三年越質詰歸附于乞伏氏

十六年春正月燕置行臺於薊加長樂公盛錄行臺尚

書事

薊音計  
樂音洛

金城王乾歸擊越質詰歸詰歸降

降戶  
江翻

乾歸以宗女妻之

妻七  
細翻

賀染干謀殺其兄訥訥知之

舉兵相攻魏王珪告于燕請為鄉導以討之

鄉讀  
曰嚮

二月

甲戌燕主垂遣趙王麟將兵擊訥鎮北將軍蘭汗帥龍

城之兵擊染干

賀染干部落蓋居賀蘭部之東偏故燕  
以龍城之兵擊之將即亮翻帥讀曰率

三月秦主登自雍攻後秦安東將軍金榮于范氏堡

克之

雍於  
用翻

遂渡渭水攻京兆太守韋範于段氏堡不克

進據曲牢

曲牢在杜  
縣東北

夏四月燕蘭汗破賀染干於牛

都都聚也其地當在牛川夷人放牧於此聚會因名

苟曜有衆一萬密召秦主

登許為內應登自曲牢向繁川

繁川蓋即杜陵縣之樊川也

軍于馬

頭原五月後秦主萇引兵逆戰登擊破之斬其右將軍

吳忠萇收衆復戰

復扶又翻下同

姚碩德曰陛下慎於輕戰每

欲以計取之今戰失利而更前逼賊何也萇曰登用兵

遲緩不識虛實今輕兵直進遙據吾東

馬頭原之地蓋在長安東

此必苟曜豎子與之有謀也

善用兵者觀敵之動而緩之察知其情是以能制勝

則其謀得成故及其交之未合急擊之以敗散其事耳

敗補

遂進戰大破之登退屯於郿

郿音媚今音眉

秦兖州刺史

史強金槌據新平降後秦以其子達為質

強其兩翻降戶江翻質音

致後秦主苻將數百騎入金槌營羣下諫之苻曰金槌

既去苻登又欲圖我將安所歸乎且彼初來款附宜推

心以結之奈何復以不信疑之乎

復扶又翻

既而羣氏欲取

苻金槌不從

強金槌氏種秦之戚黨也姚苻推心待之以攜符登之黨

六月甲辰

燕趙王麟破賀訥於赤城禽之

水經河水自雲中積陵縣南過赤城東又南過

定襄桐過縣西又魏書帝紀登國三年幸東赤城明元泰常八年築長城於長川之南起自赤城西至五原延

表二千  
條里

降其部落數萬

降戶江翻

燕主垂命麟歸訥部落徙

染干於中山麟歸言於垂曰臣觀拓跋珪舉動終為國

患不若攝之還朝使其弟監國事垂不從

攝錄也收也慕容麟之姦

詐知拓跋珪之終不可制而慕容垂不從其言天將故珪以滅燕雖以垂之明畧不知覺也監工銜翻

西燕主永寇河南太守楊佺期擊破之 秋七月壬申

燕主垂如范陽

范陽縣漢屬涿郡魏文帝改涿郡為范陽郡

魏王珪遣其

弟觚獻見於燕

見賢遍翻

燕主垂哀老子弟用事留觚以求

良馬魏王珪弗與遂與燕絕

為燕魏構難張本

使長史張袞求



好於西燕

好呼到翻

觚逃歸燕太子寶追獲之垂待之如初

秦主登攻新平後秦主苻救之登引去 秦驃騎將

軍沒奕干

驃 匹妙翻 騎 奇寄翻

以其二子為質於金城王乾歸

質 音

致請共擊鮮卑大兜乾歸與沒奕干攻大兜於鳴蟬堡

克之

據載記大兜時據安陽城安陽城在唐秦州隴城縣界鳴蟬堡亦當在其地

兜微服走

乾歸收其部衆而還

還從宣翻 又如字

歸沒奕干二子沒奕干

尋叛東合劉衛辰八月乾歸帥騎一萬討沒奕干

帥讀曰率

沒奕干犇他樓城

他樓城在高平唐太宗貞觀六年以突厥降戶置綠州治平高之他樓城

高宗置他樓縣後入原州蕭關縣界

乾歸射之中目

射而亦翻中竹仲翻

九月癸

未以尚書右僕射王珣為左僕射太子詹事謝琰為右僕射太學博士范弘之論殷浩宜加贈謚因叙桓溫不臣之迹是時桓氏猶盛王珣溫之故吏也

王珣先為溫府主簿

以為

溫廢昏立明有忠貞之節黜弘之為餘杭令

餘杭縣屬會稽郡

顧來曰縣秦始皇立後漢分屬吳郡吳分屬吳興郡

弘之汪之孫也

范汪得罪於桓溫見一百

一卷哀帝升平五年

冬十月壬辰燕主垂還中山

自范陽還也

初

柔然部人世服於代

魏收曰神元之末掠騎得一奴髮始齊肩忘本姓名其主字之

曰木骨閭木骨閭者首禿也木骨閭與郁久閭聲相近故後子孫因以為氏木骨閭既壯免奴為騎卒穆帝時坐後期當斬亡匿廣漠豁谷間收合遁逃得百餘人依紇突鄰木骨閭死子車鹿會雄健始有部衆自號柔然

其大人郁久閭地粟袁卒部落分為二長子匹候跋繼

父居東邊次子緡紇提別居西邊

長知兩翻緡於粉翻紇戶骨翻

秦主

堅滅代

滅代見一百四卷元年

柔然附於劉衛辰及魏王珪即位

攻擊高車等諸部率皆服從獨柔然不事魏戌戌珪引

兵擊之柔然舉部遁走珪追犇六百里諸將因張袞

言於珪曰賊遠糧盡不如早還珪問諸將若殺副馬為三

日食足乎

凡北人用騎兵各乘一馬又有一馬為副馬

皆曰足乃復倍道追

之及於大磧南牀山下

是時魏盛跨有代北柔然西并南牀山蓋在大磧之西北史帝

紀作南商山復扶又翻

大破之虜其半部匹候跋及別部帥屋擊

各收餘衆遁走

帥所類翻

珪遣長孫嵩長孫肥追之珪謂將

佐曰卿曹知吾前問三日糧意乎曰不知也珪曰柔然

驅畜產奔走數日至水必留我以輕騎追之計其道里

不過三日及之矣皆曰非所及也嵩追斬屋擊於平望

川肥追匹候跋至涿邪山匹候跋舉衆降

降戶江翻下同

獲縕

紇提之子曷多汗汗音寒兄子社崙斛律等宗黨數百人

崙盧昆翻縕紇提將奔劉衛辰珪追及之縕紇提亦降珪悉

徙其部衆於雲中為社崙復叛去而建國張本翟遼卒子釗代立

改元定鼎攻燕鄴城燕遼西王農擊却之為燕滅翟釗張本

三河王光遣兵乘虛伐金城王乾歸乘其伐沒奕干之虛也乾歸

聞之引兵還光兵亦退劉衛辰遣子直力鞬帥衆八

九萬攻魏南部鞬田黎翻又丁奚翻帥讀曰率十一月己卯魏王珪引

兵五千人拒之壬午大破直力鞬於鐵岐山南直力

韃單騎走

騎奇寄翻下同

乘勝追之戊子自五原金津南濟河

金津當在五原郡宜梁九原二縣間

徑入衛辰國衛辰部落駭亂辛卯珪

直抵其所居悅跋城

考之載記悅跋城即代來城也

衛辰父子出走壬

辰分遣諸將輕騎追之將軍伊謂禽直力韃於木根山

魏書

官氏志拓跋鄰以次弟為伊婁氏後改為伊氏木根山在五原河西

衛辰為其部下所殺

十二月珪軍于鹽池

漢地理志五原郡成宜縣有鹽池唐鹽州五原縣有烏白等池鹽宋

白曰青白鹽池在鹽州北

誅衛辰宗黨五千餘人皆投尸于河

報元衛

辰藉兵於秦以滅代之怨也

自河以南諸部悉降

降戶江翻

獲馬三十餘

萬匹牛羊四百餘萬頭國用由是遂饒衛辰少子勃勃

亡犍薛干部

少詩照翻

珪使人求之薛干部帥太悉仗出勃

勃以示使者曰

即所類翻使疏吏翻

勃勃國破家亡以窮歸我我

寧與之俱亡何忍執以與魏乃送勃勃於沒奕干沒奕

干以女妻之

為勃勃殺沒奕干復建國張本妻七細翻

戊申燕主垂如

魯口秦主登攻安定後秦主苻如陰密以拒之謂太

子興曰苟曜聞吾北行

自長安如陰密為北行

必來見汝汝執誅

之曜果見興於長安興使尹緯讓而誅之

善制敵者能周事而為功

苟曜反覆於苻姚之間而長安去鄭二百里耳此姚氏腹脇之癰疽也使苻召之曜必不來苻在長安曜亦畏憚而不敢來苻外出以誘之曜亦疑而不敢來二秦交兵邊遽狎至苻之北行若不得已者苟曜無疑畏之心謂姚興居守為無能為者輕於一來卒以送死姚氏腹脇之疾去矣此非能因事而為功乎

苻敗登

於安定城東

敗補  
遁翻

登退據路承堡

路承人姓名築堡  
自守時因以為名 苻

置酒高會諸將皆曰若值魏武王

姚苻僭號追謚  
兄襄為魏武王

不令

此賊至今陛下將牢太過耳

將牢謂先自固而不妄  
動也猶今人之言把穩 苻

笑曰吾不如亡兄有四身長八尺五寸

長直  
亮翻 臂垂過膝

人望而畏之一也將十萬之衆與天下爭衡望麾而進



前無橫陳二也

將即亮翻  
陳讀曰陣


溫古知今講論道藝收羅英

雋三也董帥大衆上下咸悅人盡死力四也

帥讀  
曰率

所以

得建立功業驅策羣賢者正望筭略中有片長耳羣臣  
咸稱萬歲



資治通鑑卷一百七